

四庫全書

史部

欽定四庫全書

大事記續編卷二十八

明 王禕 撰

晉中宗孝元皇帝大興元年

趙帝劉曜光初元年
成武皇帝玉衡八年

涼張寔建興六年

春三月丙辰晉王睿即皇帝位改元

解題曰周嵩上疏曰古之王者應天順時義全而後
取讓成而後得是以享世長久重光萬載今議者以
殿下化流江漢澤被六州欲推崇尊號臣謂今梓宮
未反舊京未清義夫泣血士女震動宜先雪社稷大

恥盡忠言嘉謀之助以時濟弘仁之功推後已之誠
誰敢不從由是忤旨出為新安太守餘見道鑑程迥
曰魯昭公三十二年十二月己未薨于乾侯次年夏
六月癸亥公之喪至自乾侯戊辰定公即位不於聞
喪之日即位必俟喪至五日之後如始薨既歛之時
然後即位此成周之典禮也周嵩之言必有依據乃
以忤旨而出之尸是責者非王導乎必謂愍帝之喪
不可卒至始從嵩言少俟祥除豈不可也以蜀先主

之賢猶不容費詩之論自古輔佐之臣撫事機之會
知問學者少此君子所以撫卷而屢歎也

庚午立太子紹為皇太子

以本紀修

李矩使郭默等救洛陽

大破漢兵

以列傳修

解題曰漢太子粲遣劉稚生攻趙固於洛固奔陽城

山矩遣郭誦屯洛口以救之誦使將張皮

載記云遣耿稚張皮

簡精卒千人夜渡河粲候者告有兵至粲恃其衆不
以為虞既而誦等掩至十道俱攻粲衆奔潰殺傷大

半

載記云聚
奔據陽鄉

因據其營獲其器械軍資不可勝數及

旦聚見皮等人少更與稚生悉餘衆攻之聰聞聚敗

使太尉范隆率騎赴之苦戰二十餘日不能下矩進

救之使壯士三千泛舟迎皮賊臨河列陣數日不得

渡皮選精騎千餘殺所獲牛馬焚燒器械突圍奔虎

牢

載記云稚等懼率衆五
千突圍趨北山而南

追之不及聰因憤恚發病

而死帝嘉其功除矩都督河南三郡軍事封修武縣

侯餘見通鑑

漢螽斯則百堂災燒殺漢主聰子二十一人

以載記通鑑目錄修

夏四月丁丑朔日有食之

以本紀修

荀組來歸

以通鑑目錄修

漢曹

嶷來降五月叛歸石勒

以通鑑修

癸丑廣武愍侯劉琨為段

匹磾所害

以本紀修

解題曰琨為匹磾所拘自知必死神色怡如也為五

言詩贈其別駕盧湛曰幄中有懸壁本自荆山球惟

彼太公望昔是渭濱叟鄧生何感激千里來相求白

登幸曲逆鴻門賴留侯重耳憑五賢小白相射鉤能

隆二伯主安問黨與讎中夜撫枕歎想與數子遊吾
衰久矣夫何其不夢周誰云聖達節知命故無憂宣
尼悲獲麟西狩涕孔丘功業未及見夕陽忽西流時
哉不與我去矣如雲浮朱實隕勁風繁英落素秋狹
路傾華蓋駭駟摧雙輶何意百鍊剛化為繞指柔琨
詩託意非常攄暢幽憤用以激湛湛素無奇略以常
詞酬和殊乖琨心重以詩贈之乃謂琨曰前篇帝王
大志非人臣所言矣然琨既忠於晉室素有重望被

拘經月遠近憤歎匹磾所署代郡太守辟閭嵩與琨
所署雁門太守王據後將軍韓據連謀襲匹磾韓據
女為匹磾兒妾聞其謀而告之匹磾於是執王據辟

閭嵩及其徒黨悉誅之餘見通鑑

列傳桓溫自以雄
姿風氣是宣帝劉

琨之傳有以比王敦者意甚不平於北方得琨伎女
一見溫便潸然而泣溫問其故答曰公甚似劉司空
溫大悅整理衣冠又呼婢問婢云面甚似恨薄眼甚
似恨小鬚甚似恨赤形甚似恨短聲甚似恨雌溫禰
冠解帶昏然而睡不懌者數日蘇軾曰桓溫之所成
殆過於越石而區區慕之者英雄必自有以相伏初
不以成敗言耶以此論之光武之度本不
如玄德唐文皇之英氣未必過寄奴也

六月旱

以本紀修

甲申刁協為尚書令

以本紀脩

庚寅李矩都督

司州諸軍事司州刺史

以本紀修

秋七月漢主聰寢疾召秦王

曜石勒輔政不至癸亥聰卒甲子太子粲即位改元八

月大將軍靳準弑之發淵陵斬聰屍劉氏男女無少長

皆斬之

以載記舉要歷補遺修

解題曰胡寅曰五胡之魁其才亦有過人者而不能

輔之以學矯揉成就故其所為雖有幸中於善而暴

戾之氣稟於所賦者終不可得而掩劉聰弑主而力

蹀血神州擒二帝而殺之腥羶淫污薰染河華斬戮
忠諫矯誣上天專以無道而行未十年乃為昏桀之
徒變易耳目而不知也至於殺其子屠其族戮其尸
禍及父陵火逮宗廟天之報也亦稱其施聖人所為
謹華夷之辨不使入居中土禁其猾夏之漸豈非為
後世深思而遠計哉事見通鑑

準稱漢天王遣使來降曜勒討之冬十月曜稱帝改元
以勒為大將軍趙公加九錫

以載記舉要
歷補遺修

十一月乙卯

日夜出高三丈

紀本

加江州牧王敦為荊州牧

以紀傳修

御史

中丞熊遠上疏論時政

以列傳修

復州郡秀孝試經策之法

以通鑑修

十二月漢將喬泰等殺斬隼降漢

以本紀載記修

彭城內

史周撫叛降石勒詔下邳內史劉遐等討之

以本紀修

石勒

克平陽

以載記修

晉中宗元皇帝大興二年

漢帝劉曜光初二年
成武皇帝玉衡九年

後趙明皇帝石勒元年

涼張寔建興七年

春二月泰山太守徐龕斬周撫

以本紀修

立郊丘三月辛卯合祭天地

以通鑑修

解題曰胡寅曰周禮大司樂凡樂以圜鍾為宮黃鍾為角太簇為徵姑洗為羽冬日至於地上之圜丘奏之六變以祀天神以函鍾為宮太簇為角姑洗為徵南呂為羽夏日至於澤中之方丘奏之八變以祭地亦又大宗伯以禋祀實柴禋燎祀其在天者而以蒼璧禮之以血祭貍沈鬴韋祭其在地者而以黃琮禮之皆所以順其陰陽辨其時位設其形色而以氣類求之此禮之不得不異者也漢元始中姦臣附會周

官大合樂之說謂宜合祭故天地共犢禮之失自此始晉元帝乘亂離之餘因陋就簡遂行合祭之說而不自以為瀆也由漢歷唐千有餘年之間而以五月親祀北郊者惟魏文之太和周武之建德隋高祖之開皇唐睿宗之先天皆希闊一時之舉然而隨得隨失卒無所定典禮廢墜可勝歎哉

夏四月將軍陳川以浚儀叛徐龕亦叛降石勒

以本漢紀修

主曜斬石勒使者勒與之絕

以通鑑目錄修

漢主曜都長安立

妃羊氏為后

以載記修

南陽王保稱晉王改元建康

以列傳修

解題曰宋庠紀年通譜建康本漢順帝年號

徐揚蝗吳郡大饑詔百官言事益州刺史應詹論玄虛

以本紀呂祖

謙標目脩

祖逖攻陳川于蓬關石勒遣石虎救之逖

退屯淮南

以通鑑目錄脩

解題曰今汴梁尉氏縣俱有蓬池陳川為蓬陂塢主

疑即此地

石勒陷幽州段匹磾奔邵續

以列傳通鑑目錄脩

曹嶷賂石勒以

河為境

以呂祖謙
標目修

梁州刺史周訪擊杜曾斬之加安南

將軍

以本
紀脩

六月漢改號趙

以呂祖謙
標目修

秋八月遣將軍羊

鑒計徐龕

以本
紀脩

冬十一月戊寅石勒自稱趙王

以本
紀脩

二月慕容廆陷遼東平州刺史崔毖奔高句驪

以本
紀脩

是

歲蒲洪降趙

以呂祖謙
標目修

晉中宗元皇帝大興三年

趙帝劉曜光初三年
成武皇帝玉衡十年

後趙明皇帝二年
涼張茂建興八年

春正月趙中山公虎圍厭次二月執邵

續詔以續子緝為冀州刺史

以本
紀脩

趙將尹安等以洛陽

降李矩

以通鑑脩

三月以慕容廆為安北將軍平州刺史

以通

鑑脩

夏五月庚寅地震

以本紀脩

晉王保為其將張春所殺

以呂

祖諫標目脩

徐龕請降不受除羊鑒名以徐州刺史蔡豹領

其兵

以列傳脩

六月丁酉盜殺涼州刺史西平元公張寔其

弟茂立

以本紀脩

氐羌巴羯叛趙趙以光祿大夫游子遠為

征討都督破降之

以呂祖諫標目脩

祖逖屯雍邱秋七月加逖

鎮西將軍河以南多來歸

以紀傳脩

解題曰

雍邱開封府縣本杞國

蘇轍曰敵國相圖必審於彼已

將彊敵弱則利於進取將弱敵彊則利於自守東晉
渡江中原雖屢有變而南兵不出出亦無功皆夷狄
自相屠滅而已石勒之死庾亮為北伐之計石虎之老
庾翼為徙鎮之役皆無成而死及苻堅之敗謝安父
子有席卷之意終以兵將奔潰無尺寸之得其後宋
文自謂富強以兵挑元魏梁武志於并吞失信於高
氏陳宣乘高氏之衰攘取淮南皆繼之以亡敗者何
東南地薄兵脆將非命世之雄其世固如此也自江

南建國惟桓溫西征苻健東討慕容兵鋒所及敵人震動及宋武破廣固臨長安所至蕩定有弔伐之風此二人者誠非常將也然桓溫終以敗衄宋武未能定秦狼狽而反況其下者乎晉元帝初定江南以祖逖為豫州刺史進據譙城然未嘗為深入計也石勒遣兵攻逖逖輒破其衆自河以南盡為晉土方將經畧河北而帝使戴若思擁節直據其上逖怏怏不得志死蓋敵強將弱能知自守之為利者惟逖一人夫惟

知自守之為進取而後可以言進取也哉事見通鑑

八月周訪卒以湘州刺史甘卓為梁州刺史

以本紀脩

解題曰訪卒而王敦之難迫矣

徐龕降後趙敗蔡豹冬十月丙辰殺豹

本紀

解題曰豹在徐土內撫將士外懷諸衆甚得近遠情聞其死多悼惜之餘見通鑑

十二月以左將軍譙王丞為湘州刺史

以列傳脩

晉中宗元皇帝大興四年

趙帝劉曜光初四年成武皇帝玉衡十一年

後趙明皇帝三年
涼張茂建興九年

春二月徐龕復降

以本紀脩

夏四月後趙

中山公虎臨厭次執邵續段匹磾尋殺之

以本紀脩

五月庚

申免中州良民為揚州僮客者以備征役

以本紀脩

解題曰薛季宣曰自用刁協議後皆以奴為兵庾翼

發所部六州奴征伐何克悉發二州編戶奴會稽王

道子發諸郡奴號曰樂屬移置京師往往百姓怨嗟

遇敵奔敗是時雖嘗從賀循之議欲嚴分界多亭候

時番休以備寇然竟無成績也

終南山崩

以通鑑脩

秋七月甲戌尚書僕射戴淵都督司充

豫并冀雍六州軍事司州刺史鎮合肥丹陽尹劉隗都督青徐幽平四州軍事青州刺史鎮淮陰

解題曰按世說新語戴淵少游俠不治行檢常在江淮間攻掠商旅陸機還洛輜重甚盛淵使少年掠劫淵處鄙事神氣猶異機遙謂之曰卿才如此亦復作劫邪淵便泣涕投劒歸機機重之作筆薦焉晉陽秋祖逖性通濟不拘小節又賓從多是桀黠勇士逖待

之如子弟永嘉中流民萬數揚土大饑賓客攻剽逖輒擁護全衛談者以此少之然則淵逖皆所謂不羈之士特逖才氣又差高爾

壬午開府儀同三司王導為司空錄尚書領中書監

以本紀修

九月祖逖卒冬十月以其弟侍中約為豫州刺史

以本紀修

解題曰逖卒而王敦之難愈迫矣葉夢得曰潘佑得辜於逖以其將歸石勒勒斬之以歸逖自是得勒降亦拒不納阻晉民歸心使堅事虜以一時之感而失

天下之望勒斬一亡將而換河北之民以為逖墮勒計中而不悟古之為國者必視民之所向背其向不可遏其背不可挽雖湯武亦不過東征西怨西征東怨曰俟我后后來其蘇而已寧有人歸我反不納而可以得之者乎佑又謂勒自知其危故修遯先塋而還其叛將以求媚誠得之矣羊陸之事蓋彼此相圖而各知其謀故文雖為好而實伺其間兩境並獵獲其禽即歸之此殆兒戲耳胡為步聞降而晉不辭乎

世常恨逖有志不遂以是觀之縱逖不死亦未見其能
得勒也事見通鑑

十一月後趙禁民釀酒以通鑑十二月以慕容廆為都

督幽平二州東夷軍事遼東公以本紀脩

晉中宗元皇帝永昌元年趙帝劉曜光初五年
成武皇帝玉衡十二年

後趙明皇帝四年春正月乙卯改元以本紀脩戊辰王敦舉

兵武昌將軍沈充起兵於吳以應之以本紀
通鑑脩

解題曰敦構逆太子中庶子溫嶠謂周顗曰大將軍

此舉似有所在當無濫耶顗曰君少年未更事人主
自非堯舜何能無失人臣豈可得舉兵以脅主共相
推戴未能數年一旦如此豈云非亂乎處仲剛愎強
忍狼抗無上其言寧有恨耶餘見通鑑葉適曰王氏
威勢所脅人
不知有君崎設此語以觀人情兩顗雖
踈然此語足以定當年是非之實矣

譙王承甘卓移檄討王敦

以呂祖謙
標目修

解題曰甘卓遣叅軍羅英至廣州與陶侃剋期侃得
信即遣叅軍高寶率兵下餘見通鑑

王敦蘇峻發難
一也卓約陶侃

侃為之發兵不敢留難溫嶠要侃侃乃以不敢越局為辭暨遣龔登而又追回前後異情者一則侃於王敦有宿怨二則侃以不預顧命為恨故也

二月趙以仇池公楊難敵為武都王

以通鑑修

秦州刺史陳

安叛趙氏羗皆附之

以通鑑修

徵戴淵劉隗還三月以王導

為前鋒大都督

解題曰元帥三軍之司命也而王導之言一則曰如導之徒心思外濟二則曰往年之事臣等有識皆所未悟然則功何由而成乎此周札所以開門而延寇

也事見通鑑

王敦據石頭淵隗等攻之敗績隗奔後趙刁協出奔見殺

解題曰李邁曰魯昭不忍季氏薨于乾侯晉元不忍王敦憂憤告謝子家駒諫而劉隗勸焉隗之罪著矣帝終不悟雪涕而遣之闇矣事見通鑑

敦自為丞相都督中外諸軍錄尚書事復不受殺驃騎將軍戴淵左僕射周顗沈充陷吳國內史張茂死之甘

卓至猪口而還

解題曰陳敏之叛卓為之表裏及周玘倡義顧榮邀

卓卓聞陳昶死懼而從榮王敦發難卓初依違顧望

迫於鄧騫樂道融之正義既出師攻討矣及王敦使

王邛求和又適王師敗績遂還襄陽始之懷懼則自

逆而之順終之懷懼即自順而之逆亦終於不能保

其身而已矣事見通鑑

按水經汚水逕江夏雲杜縣東夏水從西來注之注云即

猪口也

夏四月敦還武昌南蠻校尉魏又陷湘州譙王承死之
解題曰按水經注公安縣有油水東有渚口即武陵
郡界東有淪口淪水南與渚水合又南通澧水及諸
陂淵湖池相接悉是南蠻府屯故側江有大城相承
云倉渚城即邸閣也

五月敦使襄陽太守周慮襲殺卓

以紀傳呂祖謙標目修

秋七月

後趙中山公虎拔泰山執徐龕尋殺之

以本傳脩

兖州刺史

郝鑒退屯合肥

以呂祖謙標目修

冬十月後趙圍譙祖約退屯

壽春

以呂祖謙
標目脩

新昌太守梁碩反

以本
紀脩

十一月罷司徒

并丞相府

以通
鑑脩

閏月己丑帝崩於內殿王導受遺輔政

庚寅皇太子紹即皇帝位尊所生母荀氏為建安郡君

以本
紀脩

解題曰胡寅曰漢文尊薄氏與太后比自是帝王妾

母按例推崇以為常典其能矯制私情祈合正義者

十無一二若明帝之與荀氏可謂事親以道者矣

十二月後趙漢陽景侯張賓卒

以通
鑑脩

張茂取趙隴西南

安之地

以通鑑脩

是歲大旱

以宋五行志脩

晉肅宗明皇帝太寧元年

趙帝劉曜光初六年成武皇帝玉衡十三年

後趙明皇帝五年涼張茂建興十一年

春正月成冠臺登降越雋漢嘉二

郡

以本紀脩

解題曰按韋齋休雲南行記黎州至臺登城五百餘

里至雋州百餘里

孫水出臺登山

二月庚戌葬孝元皇帝于建平陵廟號世宗

以本紀脩

三月

戊寅朔改元

本紀

後趙陷下邳徐州刺史卞敦退保盱眙

以本紀脩詔徵王敦夏四月加敦殊禮敦屯于湖自領揚州

牧以王導為司徒以本紀脩五月成寇寧州刺史王遜大破

之以本紀脩梁碩陷交州刺史王諒死之以本紀脩六月壬子立

妃庾氏為皇后以后凡中領軍亮為中書監以本紀脩陶侃

平梁碩加征南大將軍開府以本紀脩秋七月趙平陳安以

姚弋仲為平西將軍以本紀脩

解題曰按蕭方三十國春秋姚弋仲燒當羌也

以尚書郗鑒都督揚州江西軍事揚州刺史八月為尚

書令

以紀傳修

解題曰淮南廬江二郡屬揚州三國以來謂之江西者以其在大江之西也劉裕欲拓河南義熙九年始割揚州大江以西大雷以北悉屬豫州

後趙石虎擊青州曹嶷降殺之

以呂祖謙標目脩

趙主曜擊張

茂降之封為涼王

以通鑑修

冬十一月王敦以其兄荊州刺

史含為征東將軍都督揚州江西軍事

以本紀脩

大事記續編卷二十八

欽定四庫全書

史部
大事記續編卷二十九

詳校官檢討

臣朱依昊

編修

臣裴謙覆勘

總校官編修

臣倉聖脉

校對官典簿

臣劉景岳

謄錄監生

臣沈毓鳳

欽定四庫全書

大事記續編卷二十九

明 王禕 撰

甲申晉肅宗明皇帝太寧二年

趙帝劉曜光初七年
成武皇帝玉衡十四年

後趙明皇帝六年
涼張駿建興十二年

春正月王敦殺其從事周嵩周筵

及會稽內史周札一門

以列傳修

後趙陷東莞東海兗州刺

史劉遐退保泗口

以列傳修

解題曰杜佑曰臨淮郡宿遷縣界宋屬淮陽軍

輿地廣記

秦十相縣晉元帝督軍儲以為郎閣置宿豫郡縣
劉遐自彭城退屯即此鄭樵通志泗水出卞縣故城

東桃虛西北十縣今兗州泗水也水經濟水至濟陰
乘氏縣分為三東北流一南流今泗與濟不通出泗
水縣西南流洙水入焉又西南至方與縣荷水入焉
又云有鄆水至高平湖陸入泗又南至彭城名曰沛
水雖水入焉又西南至下邳沂水入焉又
南至山陽入淮或云泗出東平府梁山泊

後趙攻趙河南

以通鑑修

夏五月甲申張茂卒兄子駿立

以呂

祖謙標目修

王敦以其子應為武衛將軍以自副

解題曰按本紀敦將舉兵內向帝密知之乃乘巴滇
駿馬微行至于湖察敦營壘而出有軍士疑帝非常
人又敦正晝寢夢日環其城驚起曰此必黃鬚鮮卑

奴來也帝母荀氏燕代人帝狀類外氏鬚黃敦故謂
帝云於是使五騎物色追帝帝亦馳去馬有遺糞輒
以水灌之見逆旅賣食嫗以七寶鞭與之曰後有騎
來可以此示也俄而追者至問嫗嫗曰去已遠矣因
以鞭示之五騎傳玩稽留久又見馬糞冷以為信遠
而止帝僅而獲免司馬光疑無是事通鑑刪去然帝
實英銳其為太子也嘗欲與敦決戰明年王含至江
寧帝又欲親將擊之故知有于湖之行也

六月丁卯詔加王導大都督討敦

解題曰按王敦以溫嶠為丹陽尹欲使覘伺朝廷嶠
猶懼錢鳳為之姦謀因敦餞別嶠起行酒至鳳前鳳
未及飲嶠偽醉以手版擊鳳憤墮作色曰錢鳳何人
溫太真行酒而敢不飲敦以為醉兩釋之臨去言別
涕泗橫流出閣復入如是再三然後即路及發後鳳
說敦曰嶠於朝廷甚密而與庾亮深交未必可信敦
曰太真昨醉小加聲色豈得以此便相讒貳由是鳳

謀不行，嶠得還都，乃具奏敦之逆謀，請先為之備。餘

見通鑑

魏六鎮反，爾朱兆問誰可使者。賀拔允請使高歡領之。歡拳段其口，折一齒曰：「平生天柱

將奴輩，伏處分如鷹犬。今日敢僭妄言，請殺之。」兆以微為誠，遂以其眾委焉。其事與嶠正類。然嶠君子之智也，散小人之術也。

秋七月壬申，驃騎大將軍王含及參軍錢鳳等奄至建康，帝出屯南皇堂。癸酉，諸將大破之。敦死，沈充舉兵，舉含、軍合、乙未，北中郎將劉遐臨淮內史蘇峻等大破之。丙申，含等遁。帝還宮，分遣諸將悉平其黨，發敦瘞斬之。

冬十月以遐監淮北軍事徐州刺史峻為歷陽內史

紀以

傳修

後趙司州刺史石生屯洛陽祖約退保壽春

以本紀修

解題曰按本紀永昌元年十月書石勒攻陷襄城城

父遂圍譙破祖約別軍約退據壽春今年十月又書

石勒將石生屯洛陽豫州刺史祖約退保壽陽約前

既退據矣今又奚退耶蓋約往年雖自譙退據猶未

委譙于賊也故戴洋說約還守譙城約既不從所以

今年遂保壽陽洋又謂平西在壽春可得五年自今

年至約奔歷陽正係五年今從本紀再書保壽春庶
不沒事實

晉肅宗明皇帝太寧三年

趙帝劉曜光初八年
成武皇帝玉衡十五年

後趙明皇帝七年
涼張駿建興十三年

春復三族刑

以本紀修

二月張駿收趙

河南地

以通鑑修

三月戊辰立子衍為皇太子

以本紀修

夏四月

詔太宰司徒以下詣都坐議政道又詔求直言

以本紀修

解題曰太宰兼也司徒導也所議未聞惟溫嶠所條

七事見於傳耳

後趙中郎將王騰據并州降趙

以通鑑修

五月陶侃為征西

大將軍都督荆湘雍梁四州軍事荊州刺史

以本紀修

後趙

石生逼河南李矩等降趙後趙盡陷司豫徐兗之地趙

中山王岳圍生于金墉後趙中山公虎敗之趙主曜救

岳軍潰而還六月虎擒岳遂攻王騰殺之

以本紀修

李矩來

歸道卒

以呂祖謙標目修

自正月不雨至于是月秋七月辛未

郗鑒為車騎將軍都督徐兗青三州軍事兗州刺史

以本

修紀

解題曰元帝渡江以後西北州縣率多僑寓司幽并
冀皆置於徐益置於荆秦置於梁梁置於雍雍置於
襄陽青置於廣陵皆遙置郡縣徐兗或居京口或居
廣陵若徐州治鍾離治朐山兗州治盱眙治山陽豫
州治壽春治蕪湖治姑孰治歷陽治邾城治武昌治
馬頭

在濠州鍾離縣西一百七十里
太元二年謝玄以為馬頭城

治譙多隨時遷

徙兗豫青徐又嘗立南北州分合廢置亦皆不常

閏八月壬午召太宰西陽王羨司徒王導尚書令卞壺

將軍郝鑒庾亮陸晔丹陽尹溫嶠等受遺戍子帝崩于東堂

解題曰

南朝宮苑記正殿曰太極殿有東堂七間

帝嘗獨引紀瞻於廣室

慨然憂天下曰社稷之臣欲無復十人如何因屈指曰君便其一瞻辭讓帝曰方欲與君善語復云何崇謙讓耶葉適曰大哉斯言可以興邦矣惜其早世不然東晉不止如此也事見通鑑

己丑皇太子衍即皇帝位尊皇后為皇太后秋九月辛

丑葬明皇帝于武平陵廟號肅宗

以本紀修

癸卯太后臨朝

王導錄尚書事與中書令庾亮輔政事皆決於亮

以紀傳修

冬十一月癸巳朔日有食之

以本紀修

晉顯宗成皇帝咸和元年

趙帝劉曜光初九年
成武帝玉衡十六年

後趙明皇帝八年
涼張駿建興十四年

春二月丁亥改元

以本紀修

夏六月癸

亥郗鑒領徐州刺史

以本紀修

卞壺劾王導

以本呂祖謙
標目修

解題曰時貴遊子弟多慕王澄謝鯤為達壺厲色於

朝曰悖禮傷教罪莫斯甚中朝傾覆實由於此欲奏

推之王導庾亮不從乃止然聞者莫不折節餘見通鑑胡寅曰西晉以清談亡東晉宜革而不革雖然猶有陳頽熊遠卞壺之徒務欲矯正而郗鑒溫嶠陶侃諸公以實才拯難而救時不若洛下之波蕩而不反也不幸庾亮耽味老莊重為之倡而劉惔殷浩輩疊疊繼出雖雅量如謝安亦未免有清談之習故其餘弊終不可革向使諸賢以洙泗為師表言行相顧華不踰質豈特五世而斬哉餘見通鑑

秋八月溫嶠為平南將軍都督江州刺史

紀以本修

冬十月

殺車騎將軍南頓王宗免西陽王羨降為縣王

紀以本修

後

趙世子弘守鄴

以通鑑修

十一月後趙石聰攻壽春蘇峻遣

兵擊走之

紀以本修

自六月不雨至于是月

紀以本修

十二月下

邳降于後趙

以通鑑修

後趙定九流立秀孝試經之制

以通鑑修

晉顯宗成皇帝咸和二年

趙帝劉曜光初十年成武皇帝玉衡十七年

後趙明皇帝太和元年

涼張駿建興十五年

夏五月甲申朔日有食之

紀以本修

駿復稱晉涼州牧趙使其子徹擊之冬十月畧河南北

以通
鑑修

解題曰顏師古注西漢當北地郡之北黃河之南程
大昌曰河自鹽澤西來達潼關凡四大折其初由積
石而逕湟中則鄯蘭也及至靈州遂轉北而行凡千
餘里此河西岸即為涼肅甘沙北流千里而遙至九
原豐州又轉而東流豐州之東為勝州從州之東又
轉而南直至潼關上郡北地隴西朔方西河皆在三
河之南故曰河南也上郡唐之寧鄯坊延丹綏也北

地靈慶鹽宥也隴西秦渭蘭會河岷鄯也西河銀川也朔方麟夏也事見通鑑

徵蘇峻不至十一月峻與鎮西將軍祖約反

以本紀修

解題曰蘇轍曰王敦蘇峻二釁皆王導之所不欲而劉隗庾亮不忍以速其變以隗亮為是耶敦峻之禍發不旋踵以導為是耶使人主終身含垢何以為國魯自宣公政在季氏更三世至昭公不能忍將攻之子家羈曰捨民數世求以克事不可必也公不從而

出隗亮之敗則昭公之舉也子產為鄭國小而偏族
大多寵子產患之有事伯石賂以其邑又使為卿以
次已位鄭乃少安及其政成大人之忠儉者從而予
之泰侈者因而斃之逐豐卷戮子哲鄭乃大治如導
所為知賂伯石以全其始矣未知予忠儉斃泰侈以
成其終也以為賢於隗亮則可以論子產則遠矣事
見通鑑

十二月蘇峻遣將陷姑孰護軍將軍庾亮為征討大都

督宣城內史桓彝與峻將戰于蕪湖敗績郗鑒遣其將

赴難

以本紀修

解題曰姑孰今太平府治當塗縣蕪湖縣今亦隸太
平按齊州郡志劉備謂孫權曰江東先有建業次有
蕪湖又獻帝春秋備勸孫權據蕪湖曰蕪湖近濡湏
亦佳後陸遜亦嘗屯焉

晉顯宗成皇帝咸和三年

趙帝劉曜光初十一年
成武皇帝玉衡十八年

後趙明皇帝太和二年
涼張駿建興十六年

春正月溫嶠赴難軍尋陽

解題曰尋陽晉初治江北之尋陽在蘄州羅田縣蘭城溫嶠始移于湓城之南在今城西十五里亦漢尋陽梁蕭大心因侯景亂移盆浦城以保險今江州德化縣是也

丁未蘇峻濟橫江二月庚戌卞壺戰于西陵父子死之庾亮奔尋陽峻陷臺城

解題曰按列傳蘇峻反左丞孔坦與司徒司馬陶回白王導曰及峻未至宜急斷阜陵之界守江西當利

口彼少我衆一戰決矣若峻未來可往逼其城今不
先往峻必先至先人有奪人之功時不可失導然之
庾亮以為峻脫徑來是襲朝廷虛也故計不行峻率

衆萬人乘風濟自橫江回復謂亮曰峻知石頭

徐錯方輿

志楚滅越置金陵吳大帝改名石頭城宋景和中修為長樂宮

有戍不敢直下

峻自橫江

登牛渚若順流向石頭則直下也

必向小丹揚南道步

今當塗東北近新市有故

丹揚縣基與秣陵接壤即小丹揚

宜伏兵要之可一戰而擒亮不從

峻果由小丹揚經秣陵迷失道逢郡人執以為鄉導

時峻夜行甚無部分亮聞之深悔不從回等之言峻

據蔣陵

建康志吳大帝陵在蔣山之陽去城一十五里云西陵

覆舟山

在建康府北七

里按蘇峻濟江然後登山渚向小丹揚經秣陵軍校口據覆舟山通鑑先載峻至覆舟山然後載峻由小

丹陽迷失道今畧加牒括

因風放火臺省及諸營寺署一時蕩盡

遂陷宮城

宮城即臺城本吳後苑城諸營寺署皆在其外

餘見通鑑

丁巳峻以祖約為太尉尚書令西陽王秉為太宰自為

驃騎將軍與秉錄尚書事

以本紀修

後趙改元

以呂祖謙標目修

解題曰宋庠紀年通譜太和本魏明帝年號

三月皇太后以憂崩

以本紀修

夏四月後趙陷南陽

以通鑑目錄修

五月溫嶠以陶侃討蘇峻乙未峻遷帝于石頭吳興太

守虞潭等起兵郗鑒會侃于茄子浦六月峻兵陷宣城

桓彝死之侃築白石壘使鑒還京口

以紀傳通鑑修

解題曰

世說新語陶公自上流來赴蘇峻之難謂必戮庾公可以謝峻庾欲奔竄則不可欲會恐

見執進退無計溫勸庾詣陶曰卿但遙拜必無他我為卿保之庾從溫言詣陶侃與嶠亮同

赴京師戎卒六萬旌旗七百餘里鉦鼓之聲震于百

里指石頭次于蔡洲

在建康西南十餘里盧循泊蔡洲劉裕喜曰賊落吾下也遂率

兵逼之候景攻臺城裴

侃屯查浦

在石頭南上十里循犯建康劉裕柵

石頭斷查浦以拒之

崎屯沙門浦餘見通鑑茄子浦在建康西

南十餘里白石壘在建康北十五里蘇峻湖在石頭城

正北壘在其東岸按建康實錄諸軍盡會石頭城西

北賊盛未即決戰議於查浦築壘監軍李根固爭曰

查浦地下又在水南唯白石壘固修之滅賊之術也

許之

後趙攻壽春秋七月祖約奔歷陽

以本紀修

後趙中山公虎

攻蒲坂八月趙主曜擊破之圍石生于洛陽

以本紀修

解題曰按載記勒命石堪石聰及豫州刺史桃豹等

各統見衆會滎陽使石虎進據石門

水經注漢順帝自汴口以東積

石為堰通淮曰金堤靈帝又修石門以遏渠口濟水與河渾濤東注桓溫北伐將通之不果而還劉裕命

劉遵考仍此渠而漕之始激湍東注而勒統步騎四

萬趣金墉濟自大碣

水經注勒出延津號是為靈昌津

顧謂徐光曰

曜盛兵成臯關上策也阻洛水其次也坐守洛陽者

成禽也諸軍集成臯見曜無守軍大悅舉手指天又

自指額曰天也乃卷甲銜枚說道兼路出于鞏訾之間知曜陳其軍十餘萬于城南彌悅謂左右曰可以

賀我矣餘見通鑑

陳亮曰古之料敵者若薛公之料

料劉曜于謹之料蕭繹多矣薛公明于料敵而不明于逆順之理懿以棄城預走為淵之上計謹以席捲渡江為繹之上計皆言其甚不足畏也雖勿論可也若勒之策曜則有足言者矣成臯天下之險也使曜留萬人圍洛陽而身率勁兵以扼成臯則勒必不敢進進則乘高而擊之勝之必矣勒既不獲進則洛陽失援曜因得優游而坐取之此所以為上計也若其阻洛水則勒亦未能進然而可設為疑兵而潛渡曜能應之則勝不能則敗此所以為中計也

九月戊申王導奔白石

以本紀修

陶侃欲歸溫嶠止之庚午

侃嶠攻石頭蘇峻敗死其弟逸領其衆

以紀傳修

解題曰陶侃溫嶠未能破賊侃欲率衆南還毛寶謂
嶠曰下官能留之乃往說侃曰公本應鎮蕪湖為南
北勢援前既已下勢不可還且軍政有進無退非直
整齊三軍示衆必死而已亦謂退無所據終至滅亡
往者杜弢非不强盛公竟滅之何至于峻獨不可破
耶賊亦畏死非皆勇健公可試與寶兵使上岸斷賊

資糧出其不意使賊困蹙若寶不立效然後公去人心不恨侃然之寶燒峻句容湖孰積聚峻頗乏食侃遂留不去餘見通鑑

句容縣在建康府東與地志湖孰縣西北有方山非太平之始

孰也

冬十一月後趙主勒救洛陽十二月己卯大敗趙兵執

趙主曜以歸殺之

以本紀修

晉顯宗成皇帝咸和四年

成武皇帝玉衡十九年
後趙明皇帝太和三年

涼張駿建興十七年

春正月帝在石頭蘇逸將匡術以

苑城降逸殺侍中鍾雅右衛將軍劉超

以本紀修

戊辰將軍

趙允遣兵敗祖約奔後趙

以本紀修

趙太子熙南陽王允

奔上邽關中降後趙

以呂祖謙標目修

二月諸軍克石頭乙未

蘇逸伏誅殺西陽王琇時宮闕灰燼議欲遷都王導不

可乃止

解題曰按晉書建康實錄時宗廟宮室並為灰燼帝

居止蘭臺甚卑陋欲宮建平園

苑城一名建平園

溫嶠議遷

都豫章三吳之豪請都會稽二論紛紜未有所適王

導曰建康古之金陵舊為帝里孫仲謀劉玄德俱言王者之宅古之帝王不必以豐儉移都苟宏衛文大帛之冠則無往不可若不績其麻則樂土為墟矣且北寇游魂伺我之隙一旦示弱竄于蠻越求之望實懼非良計今宜鎮之以靜羣情自安由是嶠等謀並不行餘見通鑑蘇軾曰春秋時楚大饑羣蠻叛之申息之北門不啓楚人謀徙于坂高為賈曰不可我能往寇亦能往於是以秦人巴人滅庸而楚始大魏惠

王畏秦遷于大梁楚昭王畏吳遷于郢頃襄王畏秦
遷于陳考烈王畏秦遷于壽春皆不復振有亡徵焉
賢哉導也可謂能定大事矣

壬寅以湘州并荊州

紀以本修

三月壬子陶侃為太尉加都

督交廣寧州軍事郗鑒為司空溫嶠為驃騎將軍開府

紀以本修

庾亮為平西將軍都督豫州揚州之宣城江西軍

事豫州刺史鎮蕪湖

紀以本修

解題曰晉於是乎失刑矣

陶侃移鎮巴陵

以呂祖謙
標目修

夏四月乙未始安忠武公溫

嶠卒平南軍司劉曄為江州刺史

以紀
傳修

秋八月趙南陽

王允趨長安九月後趙中山公虎大破之遂屠上邽盡

滅劉氏蒲洪姚弋仲降之

以本紀呂祖
謙標目修

解題曰按載記始元海以懷帝永嘉四年僭位至曜

三世凡二十七載以成帝咸和四年滅

宋庠曰劉氏
五主十五年

蓋太子熙不
在其數也

冬十二月壬辰右將軍郭默殺劉允據江州陶侃率衆

討之

以本紀修

晉顯宗成皇帝咸和五年

趙明皇帝建平元年
成武皇帝玉衡二十年

涼張駿建興十八年

春二月後趙王勒稱大趙天王石

虎為太尉中山王

以載記修

解題曰後趙自是皆稱趙

趙族誅祖約

以通鑑修

夏五月乙卯郭默伏誅陶侃兼江州

刺史鎮武昌

以列傳修

涼州張駿復收河南地

以呂祖謙
標目修

六

月初稅田畝三升

本紀

趙以丁零翟斌為句町王

以載記修
秋

八月趙王勒卽帝位改元都臨漳立其妻劉氏為皇后

載以本紀
記修

解題曰事見通鑑宋庠紀年通譜建平本漢哀帝年
號水經注漳水對趙臨漳宮按東魏始分鄴置臨漳
縣當勒時臨漳卽鄴也然載記既載勒自襄國都臨
漳又載勒起明堂辟雍靈臺于襄國親授規模令任
注張漸等監營鄴宮蓋勒雖營鄴宮實居襄國也

趙入襄陽遷其民于樊城

以紀
傳修

九月造新宮繕苑城

以本

修紀

解題曰按建康實錄注江左所築但有宣陽門成帝
始開陵陽等五門今謂六門也南最西廣陽門次正
中宣陽門對苑城門次最東開陽門東面最南清明
門正東面建陽門正西面西明門東對建陽門即宮
城大司馬門前橫街北面宮城無別門

按宮苑記建康宮城周四

八里濠濶五丈本吳後苑城晉成帝修為宮城南面
最西廣陽門正門宣陽門次東開陽門最東清明門
東陽門最北建春門北面最東延喜門次西廣莫門
次西玄武門最西大夏門西面最北西明門最南閭

闔門實錄止六門而宮苑記倍之實錄又云宋元嘉二十五年新作闔闔廣莫等門按石虎臨江觀兵廣莫門此時已有廣莫門則非止於六門而元凶劄閉守六門齊立六門都憐梁帝黠屯六門皆止言六門者蓋六門為正餘皆便門耳

冬十月成拔巴東

以通鑑修

張駿稱臣于趙

以本紀修

時陶侃聘

于趙

以載記修

解題曰蘇峻將馮鐵殺侃子奔于石勒勒以為戍將侃告勒以故勒召而殺之侃之聘勒豈以此故耶然祖逖之在雍丘勒嘗修其母墓與逖書求通使交市

逃不報其書誠不忍忘君父之讐而外交也侃豈不
知出此者哉事見通鑑

晉顯宗成皇帝咸和六年

趙明皇帝建平二年
成武皇帝玉衡二十一年

涼張駿建興十九年

春三月壬戌朔日有食之

紀以本
修夏

趙起明堂辟雍靈臺

以通鑑修

秋七月成將李壽侵陰平武

都楊難敵降之

紀以本
修

九月趙營鄴宮以洛陽為南都

載以

修記

晉顯宗成皇帝咸和七年

趙明皇帝建平三年
成武皇帝玉衡二十二年

涼張駿建興二十年

夏四月趙戍襄陽

以本紀修

趙右僕射

程遐中書令徐光請除中山王虎趙主勒不從命太子

弘省尚書事

以通鑑修

解題曰勒酒酣謂徐光曰朕方自古開基何等主也

對曰陛下神武籌略邁于漢高雄勢卓犖超絕魏祖

自三王以來無可比也其軒轅之亞乎勒笑曰人豈

不自知卿言亦以太過朕若逢漢高當北面事之與

韓彭競鞭而爭先耳脫遇光武當並驅于中原未知

鹿死誰手大丈夫行事當礪礪落落如日月皎然終不能如曹孟德司馬仲達欺他孤兒寡婦狐媚以取天下也朕當在二劉之間耳軒轅豈所擬乎餘見通鑑胡寅曰勒謂遇高祖則與彭韓爭先遇光武則並驅中原是以光武為韓彭之流乎高祖開四百年基業自後之慮付之平勃王陵勒肉未及冷妻子已不保徐光乃謂其過於高祖主有侈心臣進諛說其不長世也宜哉

秋陶侃遣子參軍斌及南中郎將桓宣取襄陽

以本紀修

冬

十一月壬子朔加陶侃大將軍殊禮固辭

以通鑑修

十二月

庚戌帝遷于新宮

以本紀修

晉顯宗成皇帝咸和八年

趙明皇帝建平四年
成武皇帝玉衡二十三年

涼張駿建興二十一年

春正月丙子趙遣使修好詔焚

其幣

以通鑑修

三月成陷寧州

以通鑑修

夏五月甲寅慕容廆卒

六月子毓立

以呂祖謙標目修

秋七月戊辰趙主勒卒太子宏

即帝位中山王虎殺程遐徐光石聰來降為虎所殺

解題曰按列傳石勒新死石虎專恣石聰及譙郡太

守彭彪等各遣使請降侍中孔坦與聰書彭譙使至

太守彭彪各遣使來降知將軍忿疾醜類翻然同舉

將軍出自名族誕育洪胄遭世多故國傾家覆生離

親屬假養異類

聰本晉人冒姓石氏

雖逼偽寵將亦何賴若諭

納往言宣之同盟率關右之衆輔河南之卒申威趙

魏為國前驅雖竇融之保河西黠布之去項羽比諸

古今未足為諭今六軍誠嚴水陸齊舉熊羆踴躍

噬爭先自求多福惟將軍圖之朝廷遂不果北伐人

皆懷恨餘見通鑑

按石聰之降紀書于咸和八年孔坦傳乃云咸康元年石聰寇歷陽

王導為大司馬討之請坦為司馬聰等遣使來降坦與聰書月日差外今姑取本傳之書而存之

八月虎自為丞相大單于魏王加九錫九月殺彭城王

堪弑太后劉氏冬十月河東王生起兵關中遣使來降

石朗起兵洛陽虎擊生及朗俱斬之徙秦雍民及氐羌

于關東以蒲洪居枋頭姚弋仲居潁頭督之

以通鑑呂祖謙標目

修

解題曰清河博州博平縣有聶城晏子所謂聊攝者
疑即此司馬康通鑑釋文謂瀟水名在西陽按光州
光山縣古西陽界瀟水出焉至漢陽軍瀟口入江康
蓋誤以此為瀟頭也

慕容皝兄翰奔鮮卑段部閏月其弟仁據遼東

以朱熹
綱目修

十二月石生將郭權據上邽來降

以本
紀修

鎮西大將軍張

駿遣從事張淳上表

以朱熹
綱目修

解題曰石勒僭號此駿所以臣勒也今勒死矣此駿

之所以表于晉也

甲午晉顯宗成皇帝咸和九年

趙帝石弘延熙元年
成武皇帝玉衡廿四年

涼張駿建興二十二年

春正月趙改元

以通鑑修

解題曰宋庠紀年通譜延熙本劉禪年號

以郭權為鎮西將軍雍州刺史

以本紀修

二月丁卯以張駿

為大將軍

以本紀修

慕容翰以段蘭攻柳城大破燕兵

以通鑑修

夏四月趙平郭權

以本紀修

解題曰石勒之死石聰以譙城宗降晉救未至而聰

誅石生石朗起兵洛關遣使來降晉不暇應而朗生
誅權生之將也嘗殺石挺而走虎兵矣生既失據權
遂據上邽來降而京兆新平扶風馮翊北地皆為之
響應當時陶侃擁強兵于荊州設為之應援聲勢聯
屬則權未遽亡也而晉曾不聞遣一裨一旅以應之
使權竟斃于豪族之手惜哉蔡謨號為通達時務者
其止庾亮之北向也曰虎一攻而拔金墉再戰而斬
石生禽彭彪殺石聰滅郭權謨欲止亮可也而遂以

此為石虎之能不幾于譽賊矣乎事見通鑑

六月乙卯長沙桓公陶侃薨

以本紀修

解題曰侃疾篤上表遜位曰臣欲為陛下西平李雄北吞石季龍是以遣母丘與于巴東授桓宣于襄陽圖良未敘於此長乖侃嘗夢生八翼飛而上天見天門九重已登其八唯一門不得入闔者以杖擊之因墜地折其左翼及寤左腋猶痛及都督八州據上流握強兵潛有窺窬之志每思折翼之祥自抑而止

朱熹

乞加封侃申狀引劉義仲所撰贊曰侃有大功于晉讀其書凜乎若見其唱義于武昌破石頭斬蘇峻何

其壯也晉史書折翼事豈有是乎又引吳郡論曰蘇峻之誅庾亮恥為侃屈侃後嗣零落而庾氏世總朝

權其志一逞遂從而誣謗之東史筆者有所畏所以旁見曲出以成其罪晉史誣侃以夢寐之祥以其難

明故也使侃實懷異志則夢寐之祥正合餘見通鑑自知他人安得而知之晉史未可據也

丁卯成主雄卒太子班即帝位

紀以本

大旱

紀以本

辛未庾

亮都督江荆等六州軍州事江豫荊州刺史鎮武昌

呂以

祖謙標

秋八月以慕容皝為平州刺史遼東公

以載

冬

十月成將軍李越李期弑其主班期即帝位

紀以本

十一

月趙魏王虎廢其主弘自稱居攝天王尋弒弘及太后

程氏弒秦主宏南陽王恢

以呂祖謙
標目修

慕容皝克遼東

以通

鑑修

晉顯宗成皇帝咸康元年

趙武皇帝石虎建武元年
成帝李期玉柁元年

涼張駿建興二十三年

春正月庚午朔帝加元服改元

以本
紀修

成趙皆改元

以通
鑑修

解題曰宋庠紀年通譜建武本漢光武晉惠帝元帝

年號

三月出侍中孔坦為廷尉

以通鑑修

趙王虎寇歷陽夏四月

癸丑加王導大司馬假黃鉞都督中外軍事尋解嚴

本

紀通鑑修

大旱

以通鑑修

秋九月趙遷于鄴

以呂祖謙標目修

趙聽其民

事佛

以朱熹綱目修

解題曰石虎傾心事佛圖澄尊敬莫與為比百姓故

多奉佛皆營造寺廟相競出家虎下書料簡著作郎

王度奏曰佛外國之神非諸華所應奉漢代初傳其

道唯聽西域人立寺都邑以奉其神漢人皆不得出

家魏承漢制亦循前軌今可斷趙人悉不聽詣寺燒香禮拜其趙人為沙門者還服百姓虎下書曰朕生自邊戎忝君諸夏至於饗祀應從本俗佛是我神所應兼奉其夷趙百姓樂事佛者特聽之蓋虎雖聽其民事佛然猶以戎夷自居也而中國亦變於夷何哉冬十月乙未朔日有食之

以本紀修

是歲張駿上疏請北伐

以通鑑修

解題曰按列傳駿遣參軍麴護上疏曰晉室遭家不

造宗廟有黍離之哀園林有珍廢之痛普天咨嗟含
氣悲傷臣專命一方職在斧鉞遐陬僻嶠勢極秦隴
勒雄既死人懷反正謂季龍李期之命曾不崇朝而
皆篡繼凶逆鴟目有年是以臣前章懇切欲齊力時
討而陛下雍容江表坐觀禍敗懷目前之安替四祖
之業馳檄布告徒設空文臣所以宵吟荒漠痛心長
路者也且兆庶離主漸冉經世先老消落後生靡識
懷君戀故日月告流雖時有尚義之士畏逼首領哀

嘆窮廬臣聞少康中興由於一旅光武嗣漢衆不盈
百況以荆揚慄悍臣州突騎吞噬遺羯在於掌握哉
願陛下敷弘臣慮永念先績勅司空鑒征西亮等汎
舟江沔使首尾俱至也餘見通鑑韓滉曰此言不見
于晉之公卿大夫而見于割據自立之諸侯哀哉

晉顯宗成皇帝咸康二年

趙武皇帝建武二年
成帝李期玉恒二年

涼張駿建興二十四年

春正月辛巳彗星見于奎

以本
紀修

慕容皝誅慕容仁

以呂祖謙
標目修

二月辛亥立皇后杜氏

以本

修紀

冬十一月成取漢中

以呂祖謙
標目修

十二月趙襄國大武

殿鄴東西宮成

以通
鑑修

晉顯宗成皇帝咸康三年

趙武皇帝建武三年
成帝李期玉恒三年

涼張駿建興二十五年

春正月趙王虎稱大趙天王

以通

鑑修

辛卯立大學

以本
紀修

解題曰按宋禮志國子祭酒袁瓌太常馮懷上疏曰

陛下以聖明臨朝百官以虔恭蒞事朝野無虞江外

靜謐如之何泱泱之風邈然無聞洋洋之美墜于聖

世乎疏奏帝有感焉由是議立國學徵集生徒而世
尚老莊莫肯用心儒訓胡寅曰有天下國家者必建
學非以是為美觀也君子學道則立身事君不違乎
義理小人聞孝弟之訓亦將遷善遠罪不犯于有司
此教養之所以為急務也老莊之言反經悖道以禮
法不足尚事務不足理超然放曠以空虛相尚而不
究其實子何以為孝臣何以為忠餘無責矣東晉請
建學校者惟戴逵與袁馮三君子懇懇言之而終不

能革清談之俗還孔孟之教任是責者其庾亮乎

秋七月趙殺其太子邃立子宣為太子

以載紀修

冬十月丁

卯慕容皝稱燕王十一月稱藩于趙請伐段遼

以載紀修

晉顯宗成皇帝咸康四年

趙武皇帝建武四年
明文皇帝李壽漢興元年

涼張駿建興二十六年
高祖皇帝什翼犍建國元年

代春三月趙王虎燕王皝

擊段部虎拔令文段遼走

以載紀修

解題曰按載記列傳遼左右長史劉羣盧諶崔悅等

封其府庫請降虎得公卿人士多殺之其見擢用者

惟河東裴憲渤海石璞滎陽鄭系潁川荀綽北地傅

暢及羣悅諶等十餘人而已

今平州盧龍縣在

餘見通鑑

夏四月成漢王壽廢其主期自即帝位改國號漢改元

五月弒期

以呂祖謙標目修

趙王虎圍燕燕慕容恪大敗之

以呂

祖謙標目修

乙未王導為太傅中外大都督

解題曰葉夢得曰都督中外諸軍事非僭叛自圖者

未嘗付人惟王導以大司馬為之賊退解大司馬復

轉中外大都督雖謝安亦止為征討大都督但總軍

之在行者也其後都督荆揚等十五州亦未當加大都督也事見通鑑

郝鑒為太尉征西將軍庾亮為司空導罷司徒拜丞相

六月改元亮遙執朝權約鑒起兵廢導鑒不聽

以呂祖謙標目

修

解題曰時王導輔政主幼時艱務存大綱不拘細目委任趙盾賈寧等諸將並不奉法大臣患之陶侃嘗欲起兵廢導而郝鑒不從乃止至是亮又欲率眾黜

導又以咨鑒而鑒又不許亮與鑒牋曰昔於蕪湖反覆謂彼罪雖重而時弊國危且令方嶽道勝亦足有所鎮壓故共隱忍解釋陶公自茲迄今曾無悛改主上自八九歲以及成人入則在宮人之手出則在武官小人讀書無受音句顧問未嘗遇君子秦政欲愚其黔首天下猶知不可況欲愚其主哉主之少也不登進賢哲以輔導聖躬春秋既盛宜復子明辟不稽首歸政輔居師傅之尊多養無賴之士成人之主方

受師臣之悖萬乘之君寄坐上九亢龍之爻有位無
人公與下官並荷託付之重大姦不掃何以見先帝
於地下鑒久不許故其事得息餘見通鑑庾亮據上
流之勢動欲起兵以廢執政蓋習見晉事而然耳當
時賴有郗鑒彌縫其間不然則又一王敦蘇峻王恭
殷仲堪也亮謂導欲愚其主此加之罪之辭耳既並
為輔相若欲養成君德自可薦進賢才朝夕切磨否
則亦當申展情款與導議之不此之圖而謀動干戈

果何理也

冬十一月代什翼犍即王位改元

以呂祖謙標目修

十二月段

遼降燕

以通鑑修

晉顯宗成皇帝咸康五年

趙武皇帝建武五年
漢昭文帝漢興二年

涼張駿建興二十七年
代高祖皇帝建國二年

春三月取漢寧州

以呂祖謙標目修

將

軍毛寶為豫州刺史戍邾城夏四月庾亮請移鎮石城

不許

以通鑑修

解題曰邾城在今黃州西北一百十二里吳赤烏四

年城石城在今郢州

燕殺段遼

以呂祖謙標目修

秋七月庚申始興文獻公王導薨

以本紀修

辛酉吏部尚書何充為護軍將軍振威將軍會稽

內史庾冰為中書監揚州刺史叅錄尚書事

以紀傳修

解題曰充妻明穆皇后之妹也冰明穆皇后之弟也
任相而必於母家其塗狹矣事見通鑑

八月南昌文成公郗鑒薨太尉軍司蔡謨都督徐充青
州軍事徐州刺史

以紀傳修

九月趙陷沔南及邾城毛寶死

之

紀以本

冬涼州張駿立明堂辟雍

以通鑑目錄修

晉顯宗成皇帝咸康六年

趙武皇帝建武六年
漢昭文皇帝漢興三年

涼張駿建興二十八年
代高祖皇帝建國三年

春正月庚子朔都亭文康侯庾

亮薨何充為中書令庾戌輔國將軍南郡太守庾翼都

督江荆等六州軍事荊州刺史鎮武昌

以通鑑修

二月庚辰

有星孛于太微

以本紀修

三月代都雲中

解題曰李繪曰舊唐地理志雲州雲中縣隋雲內縣之

恒安鎮也武德置恒州貞觀自朔州北定襄城移雲

州於此開元改定襄為雲中縣又單于大都護府秦漢時雲中郡城龍朔置雲中都護府麟德改單于大都護府東北至朔州三百五十里蓋雲中郡縣類多遷改秦漢雲中唐單于都護府也唐雲中後魏所都平城也隋志雲內縣注後魏都此與舊志合新唐志單于都護府金河縣注謂後魏所都蓋誤餘見漢景曜三年定襄晉永嘉七年平城解題

冬燕王皝襲趙

以通鑑修

冬趙太子宣與秦公韶迭省尚書

奏事

以呂祖謙
標目修

晉顯宗成皇帝咸康七年

趙武皇帝建武七年
漢昭文皇帝漢興四年

涼張駿建興二十九年
代高祖皇帝建國四年

春二月甲子朔日有食之

以五
行志

修以慕容皝為大將軍燕王

紀本

解題曰按蕭方三十國春秋杜延業晉春秋慕容皝
之稱燕王也遣使求冊命有司不聽聞王導庾亮薨
遂上疏請庾冰何充奏許之蓋慕容廆蒲洪姚弋仲
父子其初未嘗不假晉名字及羽翼既成則翩然翺

翔不可復制燕之王不王無關於晉之盛衰劉翔之
論殆如戰國策士不過為其主游說耳然謂宴安江
沔肆情縱欲以奢美為榮以教誕為賢蹇諤之言不
聞征伐之功不立將何以尊主濟民乎此則中晉之
膏盲也事見通鑑

三月戊戌皇后杜氏崩

以本紀修

夏四月正土斷白籍

以通鑑目

修錄

解題曰參之隋食貨志晉至梁陳百姓之自拔南奔

者謂之僑人皆取舊名僑立郡縣往往散居無有土
着其軍國所須雜物隨土所出臨時折課市取乃無
恒法其無貫之人不樂州縣編戶者謂之浮浪人樂
輸亦無定數任量准所輸終優於正課焉都下人多
為正宮貴人佃客典計衣食客之類無課役第一品
至九品佃客自四十戶至五戶止其佃穀與大家量
分典計第一品至六品置三人以至一人皆通在佃
客數中六品以上并得衣食客三人第七第八二人

九品一人客皆注家籍按司馬元顯傳稱王公以下日廩七升而范甯亦言起解舍置兵仗之弊雖賦祿少而得占多比後世自為優爾

晉顯宗成皇帝咸康八年

趙武皇帝建武八年
漢昭文皇帝漢興五年

涼張駿建興三十年
代高祖皇帝建國五年

春正月己未朔日有食之

以本紀修

二月豫州刺史庾懌有臯自殺

以朱熹綱目修

三月初以武悼

皇后配武帝廟

以本紀修

夏六月詔以母弟司徒琅邪王岳

為嗣壬辰庾冰何充等受遺癸巳帝崩于西堂

解題曰南朝宮苑記止殿曰太極殿次西有西堂七間

甲午琅邪王岳即皇帝位己亥封兄子丕為琅邪王奕為東海王秋七月丙辰葬成皇帝于興平陵廟號顯宗

以本紀修

解題曰帝少而聰敏有成人之量為舅氏所制不親庶政及長頗留心萬幾務在簡約嘗欲於後園作射堂計用四十金以勞費乃止雄武之度雖有愧於前

人恭儉之德足追蹤於往烈矣

己未何充都督徐州揚州之晉陵軍事徐州刺史

以本紀修

冬十月燕王皝遷都龍城

以舉要歷補遺修

解題曰龍城今營州之地商特孤竹國也漢為柳城

縣皝自徒河之青山徙于此後改為龍城慕容寶馮

跋亦都焉

徒河故城在東北青山在東百九十里

事見通鑑

十一月燕入高句麗

以通鑑修

十二月壬子立妃褚氏為皇

后

以通鑑修

趙營長安洛陽宮

以通鑑修

趙徵諸州兵

通鑑

晉康皇帝建元元年

趙武皇帝建武九年
漢昭文皇帝漢興六年

涼張駿建興三十一年
代高祖皇帝建國六年春正月改元

本紀

解題曰宋庠紀年通譜建元本漢武劉聰年號按通

鑑不書闕也

秋七月以司州刺史桓宣都督司雍梁荊州之四郡軍

事梁州刺史

以列傳修

八月漢主壽卒太子勢即帝位

以本紀修

趙以段蘭屯今支

以通鑑修

冬十月安西將軍庾翼為征討

大都督鎮襄陽

紀傳

解題曰翼向襄陽朝廷不許故以安陸為辭

今德安府安陸

縣

帝及朝士皆遣使譬止翼遂違詔輒行至夏口復

上表請鎮襄陽翼之違詔而行此褚裒桓溫之所以

拜表輒行也杜佑通典曰祖逖死境宇殊蹙以合肥

淮陰壽陽泗口角城

安帝義熙中置在宿遷縣

為重鎮每因劉石

苻姚衰亂之際則進兵屯戍於漢中襄陽彭城大抵

上明江陵夏口武昌合肥壽陽淮陰常為鎮守

刺史所治

皆置州兵雖有不一經攻圍亦是重鎮

計有功曰庾氏之勢盛矣亮翼區

區北伐非為萬全計也獨以門戶之故苟困事力邾
城丹水之敗所喪幾何而國步危矣撥亂致治渠其
人耶事見通鑑

辛巳車騎將軍庾永都督荆江等七州軍事江州刺史
鎮武昌驃騎將軍何充為中書監揚州刺史錄尚書事
徐州刺史褚裒為衛將軍領中書令琅邪內史桓溫都
督青徐兗州軍事徐州刺史

以紀
傳修

甲辰晉康皇帝建元二年

趙武皇帝建武十年
漢帝李勢太和元年

涼張駿建興三十二年春正月趙大閱罷兵

以通鑑修

漢改

元

以呂祖謙標目修

解題曰宋庠紀年通譜太和本魏明帝石勒年號

二月燕滅鮮卑宇文部

以呂祖謙標目修

夏桓宣擊趙兵于丹

水敗績秋八月宣卒

以紀傳修

解題曰丹水今鄧州內鄉縣丹水鎮

閏八月丁巳褚裒都督兖州徐州之琅邪軍事兖州刺

史鎮金城

以紀傳修

解題曰金城去建康三十五里吳所築

九月丙申立子昽為皇太子戊戌帝崩于式乾殿

解題曰南朝宮苑記後宮有式乾殿

己亥皇太子昽即皇帝位年二歲尊皇后為皇太后壬

寅臨朝稱制褚裒為特進都督徐兗青揚州之四郡軍

事徐兗二州刺史

以紀傳修

冬十月乙丑葬康皇帝于崇平

陵

以本紀修

十一月庚辰庾冰卒征西將軍庾翼為江州刺

史鎮夏口

以通鑑修

晉孝宗穆皇帝永和元年

趙武皇帝建武十一年
漢帝李勢太和二年

涼張駿建興三十三年
代高祖皇帝建國八年

燕文明皇帝慕容皝十二年

夏四月壬戌會稽王昱錄尚書六條事

以紀
傳修

解題曰宋百官志晉康帝世何充讓錄表曰咸康中
分置二錄王導錄其一荀崧陸曄各錄六條事然則
似有二十四條若止有十二條則荀陸分錄六條導
又何所司乎若導總錄荀陸分掌則不得復云導錄
其一也其後每置二錄輒云各錄六條事又止有十

二條事也不知悉何條晉江右有四錄則四人參錄也江右張華江左庾亮並經關尚書七條亦不知皆何事也何充解錄又參關尚書

庾翼請以子爰之為荊州刺史弗許秋七月庚午翼卒

以本
紀修

解題曰翼表子爰之行輔國將軍荊州刺史委以後任彼蓋習見庾亮之死已既以弟代兄故己之死亦欲以子代父翼猶且然何責於唐世之藩鎮哉事見

通鑑

八月豫州刺史路永叛奔趙

以本紀修

解題曰按庾翼傳稱赭圻路永則其時豫州治赭圻

也

赭圻在今寧國府南陵縣西北

輔國將軍桓溫為安西將軍都督荊司等六州軍事領南蠻校尉荊州刺史

以本紀修

冬張駿降焉耆十二月自稱

假涼王

以本紀修

解題曰按地理志及後魏書列傳駿分武威

涼州

武興

涼州嘉麟縣本

西平

西寧州

張掖

酒泉

肅州建康州

西北百九十里祁連山唐置建康軍

西郡

丹州

西海

甘肅州張掖縣本漢居延縣東漢

興平二年亦立西海郡魏晉因之

湟河

晉興

在西寧州

廣武

蘭州金城縣

十一郡為涼州以長子重華為刺史興晉州河金

城

西蘭州會

武始

熙州

南安

鞏州

永晉

未詳

大夏

分晉興

在河州

武成

水經注渭水東逕武成縣西梁載言十道志狄道城秦為縣今武成魚豢典略

武都故

漢中

疑即

八部為河州以寧戎校尉張瓘為

刺史敦煌

沙州

晉昌

瓜州晉昌縣

高昌

西州

西域都護

伊州

戊巳校尉玉門

肅州五門縣

大護軍三郡三營為沙州以

西戎校尉楊宣為刺史餘見通鑑

燕王皝始不用晉年號

以載紀修

晉孝宗穆皇帝永和二年

趙武皇帝建武十二年
漢帝李勢嘉寧元年

涼張重華建興三十四年
代高祖皇帝建國九年

燕文明皇帝十三年

春正

月己卯都鄉文穆侯何充卒二月癸丑以左光祿大夫

蔡謨領司徒錄尚書六條事與撫軍大將軍會稽王昱

輔政

以紀傳修

三月丙子前司徒長史殷浩為建武將軍揚

州刺史

紀以本修

夏四月朔日有食之

以劉義叟長歷修

解題曰按本紀四月己酉朔劉義叟長歷是月甲午

朔非己酉也又宋五行志亦不載此年日食姑闕其

疑

五月丙戌西平忠成公張駿卒子重華立

以本紀通鑑修

六月

趙伐涼涼將軍謝艾大破之

以紀傳修

七月褚裒為征北大

將軍開府

以本紀修

冬漢太保李奕以晉壽叛敗死漢改元

以載紀修

解題曰宋庠紀年通譜平李英因大赦改元

十一月辛未桓溫伐漢拜表輒行

以本紀修

晉孝宗穆皇帝永和三年

趙武皇帝建武十三年
漢帝李勢嘉寧二年

涼張重華建興三十五年
代高祖皇帝建國十年

燕文明皇帝十四年

春三

月桓溫及漢主勢戰于笮橋破之遂克成都丁亥勢降

以本紀
載記修

解題曰按載記列傳溫率水軍伐勢次青衣

輿地廣記云青

衣水出廬山徼外東南流至龍游而與良江合龍游
居青衣水口非漢之青衣也然溫之伐蜀至青衣留

輜重於彭模而大軍直指成都不應自雅之青衣而復回彭山今龍游有青衣江青衣山青衣渡皆以青衣為名往往漢縣之所統闊遠極青衣水之所至皆隸屬焉耳餘見漢安樂思公建興十三年注 勢

大發兵拒守又遣李福與沓堅等數千人從山陽趣

合水

嘉定甲志云青衣水從西來至城西與陽山江合名雅江又曰蒙水疑即此

距溫謂

溫從步道而上諸將欲設伏于江南以待沓堅不從

率諸軍從江北鴛鴦碕

在敘州南溪縣

向犍為

今眉州彭山縣晉犍為郡

治溫次彭模

水經注江水自武陽東至彭模水延岑入蜀軍次是地亦謂之平模水曰外水

在今彭山縣

乃命叅軍周楚孫盛守輜重自將步卒直指

成都李福及從兄權等攻彭模楚等禦之福退走溫

又擊權等三戰三捷賊衆散自間道歸成都

蕭繹金樓子載

溫伐蜀之詩曰龍驤肅方澤虎嘯出乎臯其氣蓋吞李勢矣

咎堅到捷為方知與

溫異道乃迴從沙頭津渡及堅至溫已造成都十里

陌堅衆自潰勢悉衆與溫戰于竿橋

去成都四里

勢衆大

潰餘見通鑑李特以惠帝太安元年起兵至此六世

凡四十六年以穆帝永和三年滅晉三用師于蜀劉

敬宣朱齡石皆以偏師往而溫以元帥自行李氏之

勢非譙縱乍起之比故也敬宣揚聲外水由勢江進達黃澣無功而還齡石疑兵出內水中水自外水破彭模城舍船步進遂平成都所歷大略與溫相似但溫五月而成功齡石八月而成功遲速異耳

林邑范文陷日南

以呂祖謙標目修

夏四月丁巳故漢將鄧定

等據成都

以通鑑修

趙伐涼涼以謝艾為軍師將軍大破之

以列傳修

秋七月鄧定立范賁為帝

以本紀修

八月戊午涼謝艾

擊趙將麻秋大敗之

以本紀修

冬十月乙丑以張重華為大

將軍涼州刺史

以紀傳修

晉孝宗穆皇帝永和四年

趙武皇帝建武十四年涼張重華建興三十六年

代高祖皇帝建國十一年燕景昭皇帝慕容雋元年

秋八月趙太子宣殺太

尉秦公韜趙王虎殺之

以載記修

桓溫為征西大將軍開府

以本紀修殷浩叅綜朝權與桓溫浸相疑貳

以通鑑修秋九月丙

申燕王皝卒

以本紀修

冬十一月燕世子雋立改元

以通鑑修

解題曰宋庠紀年通譜按後魏書稱雋年號元平今

檢范亨燕書燕載記無元平之目元平本漢昭帝年

號

十二月以蔡謨為侍中司徒固辭不拜

以通鑑修

晉孝宗穆皇帝永和五年

趙武皇帝太寧元年涼張重華建興三十七年

代高祖皇帝建國十二年燕景昭皇帝元平二年

春正月趙王虎即帝位改元

以呂祖謙標目修

趙高力督梁犢反攻下辨掠滎陽趙主虎以

燕王斌為大都督破斬之

以載記修

夏四月平西將軍益州

刺史周撫擊范賁斬之

以本紀修

封慕容雋為燕王

以本紀修

主虎以燕王斌為丞相錄尚書事將軍張豺為鎮衛大

將軍受遺皇后使射殺弑射都督中外諸軍錄尚書事

己巳虎卒太子世即帝位五月庚寅彭城王遵殺射廢

世而自立遂弑世及太后沛王冲起兵于薊遵遣都督

中外軍事冉閔擒之以通鑑目錄呂祖謙標目修趙車騎大將軍蒲

洪來降以通鑑修六月桓溫屯安陸遣諸將討河北趙揚州

刺史王浹以壽春降以本紀修秋七月褚裒為征討大都督

伐趙裒將王龕等敗于代陂八月裒還以紀傳修

解題曰按紀傳載記後魏書列傳石虎死子世嗣五

月石遵廢世而自立六月桓溫屯安陸遣諸將經營
北方遵揚州刺史王浹以壽陽降西中郎將陳逵進
據壽春褚裒上表請伐之即日戒嚴直指泗口朝議
以裒事任貴重不宜深入可先進偏師裒重陳遣前
鋒督護王頤之等徑造彭城示以威信後遣督護麋
疑進軍下邳賊即奔潰今宜速發以成聲勢於是除
征討大都督徐兗青揚豫五州諸軍事裒率衆三萬
徑進彭城河朔士庶歸降者日以千計裒撫納之甚

得其歡心遣督護王龕伐沛獲偽相支重郡中二千

餘人歸降魯郡五百餘家亦建義請援哀遣龕李邁

領銳卒三千迎之哀次下邳遵以李農為南討大都

督率騎二萬來距龕次代陂為農所敗死傷大半執

龕送鄴又殺邁龕哀之驍將三軍喪氣乃引還陳遼

聞之懼遂焚壽陽積聚毀城而還餘見通鑑

後魏列傳遵使

李農領萬餘騎逆圍龕於薛據地理志魯郡有薛縣代陂蓋在薛也

趙雍州豪傑遣使告晉建威將軍梁州刺史司馬勲赴

之

以通鑑修

九月張重華稱涼王

以朱熹綱目修

司馬勲破趙長城

壁冬十月還

以通鑑修

解題曰水經注渭水東逕郿塢南董卓築塢高與長安城等渭水之東水出南山洛谷北流逕長城西甘露二年蜀姜維出駱谷圍長城即斯地也

十一月趙冉閔弑其主遵立義陽王鑒為帝閔自為大將軍

以載紀修

秦雍流民推蒲洪為主趙以洪為征西大將

軍都督諸軍事

以呂祖謙標目修

十二月己酉都鄉元穆侯褚


裒卒

以本紀修

趙新興王祗舉兵于襄國冉閔遣汝陰王琨

討之閔殺胡羯二十餘萬人

以通鑑修



大事記續編卷二十九

欽定四庫全書

史部

大事記續編卷三十一

詳校官檢討臣朱依昊

編修臣裴謙覆勘

總校官編修臣倉聖脉

校對官典簿臣劉景岳

謄錄監生臣劉人鵬

欽定四庫全書

大事記續編卷三十

明 王禕 撰

晉孝宗穆皇帝永和六年

趙帝石祗永寧元年
張重華建興三十八年
涼

代高祖皇帝建國十三年
帝元乎三年
魏帝冉閔永興元年

燕景昭皇
春正月趙冉閔

更其國號曰衛改元青龍趙汝陰王琨等討之大敗閔

二月閔弑其主鑒盡滅石氏自即帝位改元國號魏

呂以

祖謙標
目修

解題曰事見通鑑按載記勒以成帝咸和三年僭立

二主四子凡二十三年以永和五年滅宋庠紀年通譜青龍本魏明帝年號永興本漢桓帝惠帝年號陳亮曰晉自元帝息心于一隅而胡羯鮮卑氐羌迭起中國無歲不尋干戈而江左卒亦不得一日寧然淵勒遂無遺種而愍懷之痛猶有所諉以自安也晉之植根本無可言者而江左諸臣若祖逖周訪之徒皆有虎視河洛之意而桓溫之師西至灞上東至枋頭又於其間修陵寢于洛陽蓋未盡置中國于度外也

故劉裕竟能一平河洛而後晉亡百年之間其事既已如此而天地之正氣固將有所發泄矣元魏起而承之孝文遂定都洛陽以修中國之衣冠禮樂而江左非復天命人心之所繫矣是以一天下者卒在西北而不在東南天人之際豈不甚可畏哉

丁丑彗星見于亢

紀本

己丑中軍將軍殷浩都督揚豫徐

兗青五州軍事蒲洪都督河北軍事其子健監征討前

鋒軍事洪自稱三秦王改姓苻氏

謙以通鑑呂祖
標目修

解題曰李舜臣曰往年以燕王之號命慕容雋今年以信都襄國之號命蒲洪及其子健明年以高陵太原之號命姚弋仲及其子襄客主初不相通而但以方州遙授此曹窘於變故應時受命旋則背去苻健則自枋頭以入關慕容雋則自薊以入冀姚襄則自潁昌以入洛前日之願受封爵者今皆起為敵國于關河許洛之間矣可勝歎哉事見通鑑

三月燕伐趙取幽州徙都薊

以載記修

故趙將麻秋鴆殺苻

洪苻健斬之

紀以本修

趙新興王祗即帝位于襄國改元

解題曰宋庠紀年通譜永寧本漢安帝晉惠帝年號

夏四月遣汝陰王琨伐魏

以呂祖謙標目修

五月取魏合肥

以本

紀修六月魏敗趙兵

以通鑑修

秋七月段龕據廣固稱齊王

以通

修鑑

解題曰事見通鑑水經注濁水一名溷水出廣固縣

為山東北流逕廣固城城四周絕澗沮水深隍晏謨

齊地記城曹嶷所築有大澗甚廣因之為固

曾肇青州南洋

橋記青州治臨淄晉曹窋築廣固城劉裕平燕羊穆之築東陽城即今治北城洋水出石膏山東北入鉅定見班固書今石膏山距城二十五里水經謂之巨洋或曰胸瀾今曰渠汭河與固說合今俗呼洋水有二曰南洋河今橋是也曰北洋河距北城若干里者是也

八月故趙司馬杜洪據長安自稱晉征西將軍苻健稱

晉征西大將軍帥衆入關

以舉要歷補遺修

故趙統衛軍張賀

度等攻鄴魏主閔大敗之

以通鑑日錄修

九月燕王雋循冀州

以載記修冬十月杜洪出奔

以通鑑修

十一月魏主閔圍襄國

以本

紀修十二月免蔡謨為庶人

以本紀修

解題曰程迥曰孟子曰無罪而殺士則大夫可以去
無罪而戮民則士可以徙若無罪而誅三公此亡國
之證也紂殺比干是也桓溫謂浩儀刑百揆亦過論
也事見通鑑

晉孝宗穆皇帝永和七年

趙帝石祗永寧二年
張重華建興三十九年
涼

代高祖皇帝建國十四年
魏帝冉閔永興二年

秦景明皇帝苻健皇始元年
燕景昭皇帝元平四年

春正月丁酉日有食之

紀本段龕來降

紀本丙辰苻健即

天王位國號秦改元

以載修

魏主閔圍襄國姚弋仲燕王

雋遣兵救趙三月趙汝陰王琨會之閔大敗而還趙遣

其將劉顯伐魏閔敗之

以載記修

杜洪召司馬勲夏四月勲

與苻健戰于五丈原敗還

以本紀修

解題曰往年勲出駱谷畏石苞王朗之衆而還及苞

朗退杜洪苻健各借晉名字以相圖此勲進取之時

也乃恬若不聞健入長安而苻氏國矣方始赴杜洪

之招不亦晚乎其敗宜也事見通鑑

趙劉顯弑其主祗以降魏秋七月顯復叛魏稱帝

以載記修

八月魏豫州牧張遇及徐兗荊洛州皆來降

以本紀燕載記修

慕容恪取魏中山

以呂祖謙標目修

冬十一月姚弋仲遣使來

降以為車騎將軍督江北軍事其子襄為平北將軍都

督并州軍事

以本紀修

十二月辛未桓溫北伐拜表輒行軍

次武昌會稽王昱諭之乃止

以本紀修傳

晉孝宗穆皇帝永和八年

涼張重華建興四十年代高祖皇帝建國十五年

燕景昭皇帝元璽元年永興三年

秦景明皇帝始二年

春正月辛卯朔

日有食之

以本紀修

秦王健即帝位

以呂祖謙標目修

杜洪為司馬

張琚所殺

以通鑑修

劉顯攻常山魏主閔敗之取襄國誅顯

以呂祖謙標目修

趙汝陰王琨來奔斬之

以舉要歷補遺修

解題曰按載記季龍十三子五人為冉閔所殺八人

自相殘害琨至此又死於是石氏遂絕程迥曰石勒

囚執天子妻辱妃主塗炭生靈石虎繼之凶暴尤甚

易曰積不善之家必有余殃琨當餘殃之報其禍方

興晉氏斬之合天心也胡寅指以為敵彼賊也何敵

之云又豈一人之惠怨乎哉事見通鑑

殷浩北伐中軍將軍王羲之諫止之不聽

解題曰浩將北伐王羲之以為必敗以書上之言甚切至浩遂行果為姚襄所敗復圖再舉又遺浩書曰知安西喪敗公私惋怛不能須臾去懷以區區江左所營綜如此天下寒心固已久矣而加之喪敗此可熟念往事豈復可追願思宏將來令天下寄命有所自隆中興之業政以道勝寬和為本力爭武功作非所當自寇亂以來處內外之任者未有深謀遠慮而

疲竭根本各從所至竟無一功可論忠言嘉謀弃而
莫用遂令天下將有土崩之勢任其事者豈得辭四
海之責更宜虛己求當與有識共之不可復令忠允
之言屈於當權今軍破於外資竭於內保淮之志非
復所及莫過還保長江都督將各復舊鎮自長江以
外羈縻而已任國鈞者引咎責躬深自貶降以謝百
姓更與朝賢思布平政除其煩苛省其賦役與百姓
更始庶可以救倒懸之急使君起於布衣當董統之

任而喪敗至此恐闔朝羣賢未有與人分其謗者若
猶以前事為未工復求之於分外宇宙雖廣自容何
所復被州符增運千石徵役兼至皆以運期對之喪
氣罔知所厝又與會稽王昱牋陳浩不宜北伐并論
時事曰今雖有可欣之會內求諸已而所憂乃重於
所欣傳云自非聖人外寧必有內憂今外不寧內憂
以深且千里饋糧自古為難況今轉運西輸許洛北
入黃河雖秦政之弊未至于此以區區吳越經緯天

下十分之九不亡何待而不度德量力不弊不已此
封內所痛心歎悼而莫敢吐誠願殿下暫廢虛遠之
懷以救倒懸之急可謂以亡為存以禍為福矣計有
功曰自陶侃之死慷慨圖復河洛者庾亮庾翼庾裒
殷浩也庾裒以帝戚之重保寵懼禍其總戎外禦僥
倖一切之功特弭謗固位爾商浩區區出於簡文之
謬舉而浸淫以喪邦尤為可哀簡文懼桓溫之不可
制而引浩以為腹心浩知溫有不臣之跡必西伐蜀

北伐胡以張其威使朝廷無可誰何於是先啓北伐之謀浩之料溫則明矣而暗於審已夫以一夫之隙而欲經營天下以伐其謀何其大也竭江淮之力經營天下十之九而乃蠅營狗苟委情刺俠又何其小也如是而圖中原所謂不度德不量力矣餘見通鑑

以豫州刺史謝尚為安西將軍北中郎將荀羨屯壽春

張遇反于許昌浩不能進

以通鑑修

三月姚弋仲卒襄帥衆

來降屯譙城

以呂祖謙標目修

夏四月燕慕容恪大敗魏主閔

五月辛卯殺之六月閔子智以鄴降獲傳國璽

以載記修謝

尚姚襄攻許昌秦主健遣兵救之丁亥尚等大敗于誠

橋殷浩退屯壽春

以列傳修

解題曰按晉惠帝紀云許昌之誠橋

秋八月庚午燕取鄴

以呂祖謙標目修

鎮軍大將軍武陵王晞

為大宰

本紀

九月殷浩屯泗口以軍興罷太學生徒

以通鑑修

冬十月謝尚遣兵克許昌

以通鑑修

十一月戊辰燕王雋即

帝位改元

以呂祖謙標目修

晉孝宗穆皇帝永和九年

涼張重華建興四十一年
代高祖皇帝建國十六年

燕景昭皇帝元璽二年
秦景明皇帝皇始三年

春涼張重華遣兵伐秦敗歸

夏五月重華復伐秦詔以為涼州牧

以本紀
通鑑修

秋八月遣

河間王欽修復五陵

以本紀
修

姚襄屯歷陽殷浩遣客刺之

不克冬十月浩北伐以襄為前鋒襄敗浩于山柰

以紀
傳修

十一月丁卯西平王敬烈公張重華卒其子耀靈立其

都督中外軍事張祚弒之自立

以通鑑修

殷浩遣將攻山柰

兵敗姚襄據盱眙

以呂祖謙
標目修

尚書僕射謝尚都督豫揚

江西軍事前將軍豫州刺史鎮歷陽

以本紀載記修

是歲燕以

給事黃門侍郎慕容垂鎮常山

以通鑑修

甲寅晉孝宗穆皇帝永和十年

涼張祚和平元年
代高祖皇帝建國十

七年

燕景昭皇帝元璽三年
秦景明皇帝始四年

春正月涼張祚稱王改元

以本紀修

故魏將周成反襲取洛陽

以本紀修

桓溫表廢殷浩為

庶人內外大權一歸之矣溫二月遂伐秦

以呂祖謙標目修

前

會稽內史王述為揚州刺史

以通鑑修

三月姚襄降燕

以本紀修

夏四月己亥桓溫及秦太子萇戰于藍田敗之北海王

猛說溫渡灞水不能用以猛為軍謀祭酒

以載記
本紀修

解題曰按載記猛字景略瓌姿雋偉博學好兵書謹
重嚴毅氣度雄遠細事不干其慮浮華之士咸輕而
笑之猛悠然自得不以屑懷惟徐統見而奇之名為
功曹不應隱于華陰山桓溫入關猛被褐詣之一面
談當世之事捫虱而言旁若無人溫察而異之問曰
吾奉天子之命率銳師十萬仗義討逆為百姓除殘
賊而三秦豪傑未有至者何也曰公不遠數千里深

入寇境長安咫尺而不渡灞水百姓未見公心故也

所以不至溫默然無以酬之餘見通鑑

胡寅曰猛居華山即彼土

之豪傑矣溫乃舍而問三秦猛固以輕之矣溫雖至
灞上實憚苻堅而不前猛固已窺之矣所以不肯從
之溫若以猛為謀主咨訪秦之策苻氏不知所以
為計矣當時徑逼長安上計也薛珍猶知之以偏師
進猶有所獲猛豈不能辨此哉溫上不
能致猛下不能容珍宜功名之不遂也

燕衛將軍慕容恪為大司馬錄尚書事

以呂祖謙
標目修

五月

江西流民郭敞執陳留內史降姚襄

以通鑑修

桓溫及秦丞

相符雄戰于白鹿原敗績六月丁丑還溫欲以王猛歸

猛辭

以本紀修

解題曰按王猛傳溫之將還賜猛車馬拜高官督護請以俱南猛還山咨師師曰卿與桓溫豈並世哉在此自可富貴何為遠乎猛乃止北史列傳薛強字威明與王猛友善桓溫入關猛謁之溫曰江東無卿比也秦國定多奇士如生輩尚有幾人吾欲與之俱南猛曰公求可與撥亂濟時者薛威明其人也溫曰聞之久矣強聞之自商山來謁與猛皆署軍謀祭酒強

察溫有大志而無成功乃勸猛止俄而溫敗餘見通

鑑

北史陽平公融為書將以車馬聘強猛以為不可屈乃止苻堅如河東伐張平自與數百騎馳至強

豐下求與相見強使主簿責之因宣言曰北城終無生降之理但有死節之將耳諸將請攻之堅曰須吾平晉自當面縛舍之以勸事君者後堅伐晉軍敗強逐總宗室強兵威振河輔破慕容永于陳川姚興聞而憚之重加禮命

晉孝宗穆皇帝永和十一年

涼張玄靚建興四十三年代高祖皇帝建國

十八年秦厲主苻生壽光元年

夏五月姚襄據許昌

呂

祖諫標目修

六月乙酉秦主健卒丙戌太子生即帝位改元

以呂祖謙
標目修

秋八月涼張祚弒張耀靈其將軍宋混河州

刺史張瓘弒之立其弟玄靚復稱建興年

以呂祖謙
標目修

九

月秦主生殺其后梁氏及太傅毛貴等

以朱熹
綱目修

冬十月

謝尚督并冀幽州軍事鎮西將軍鎮壽春

以通鑑修

十一月

燕太原王恪擊段龕

以載記修

是歲以蔡謨為左光祿大夫

開府謨尋卒謚文穆

以列傳修

晉孝宗穆皇帝永和十二年

涼張玄靚建興四十四年
代高祖皇帝建國

十九年
燕景明皇帝元璽五年
秦厲主苻生壽光二年

春正月丙申燕慕容恪

圍廣固鎮北將軍段龕大敗之

以通鑑目録修

三月桓溫請移

都洛陽不許三月以溫為征討大都督討姚襄

以呂祖謙標目

修夏五月秦太后強氏以憂卒

以通鑑修

姚襄攻周成于洛

陽

以通鑑修

秋八月己亥桓溫及姚襄戰于伊水大敗之執

周成而歸

以紀傳修

遣兗州刺史荀羨救段龕

以通鑑修

冬十月

癸巳朔日有食之

以本紀修

十一月丙子段龕降于燕

以通鑑修

詔修洛陽五陵十二月總服臨于太極殿三日

以本紀通鑑修

晉孝宗穆皇帝升平元年

涼張玄靚建興四十五年
代高祖皇帝建國二十年

燕景明皇帝元壽元年
秦昭宣皇帝苻堅永興元年
春正月壬戌朔帝加元服

太后歸政改元

以本紀修

二月癸丑燕改元

以呂祖謙標目修

夏五

月秦大敗姚襄于三原斬之降其弟萇

以呂祖謙標目修

解題曰按載記姚襄帥衆萬餘攻平陽太守苻產于
匈奴堡苻柳救之為襄所敗引還蒲坂襄遂克之殺
苻產遣使從苻生假道將還隴西生將許之苻堅諫
曰姚襄人傑也今還隴西必為深害不如誘以厚利
伺隙而擊之生乃止遣使拜襄官爵襄不受斬其使

者焚所送章策寇掠河東生怒命其大將軍張平討之襄乃卑辭厚幣與平結為兄弟平更與襄通和襄

尋徙北屈

西慈州吉鄉縣通典文城郡西有葭所築城徐鎔方與志姚襄築西臨黃河控帶龍

門要津之險

將圖關中進屯杏城

今中部縣漢書朔方為西部休屠為北部渠搜

為中部屬坊州西七里有杏城鎮劉石苻重兵守之後魏文帝改東秦州孝明改北華州遣其從

兄姚蘭畧地鄜城

今鄜州縣本漢鄜縣地

兄益生及將軍王欽

盧招集北地戎夏歸附者五萬餘戶生遣其將苻飛拒戰蘭敗為飛所執襄率衆西引生又遣苻堅鄧羗

等要之襄將戰沙門智通固諫宜厲兵收衆更思後
舉襄曰二雄不俱立冀天不棄德以濟黎元吾計決
矣會羌來逼襄怒遂長驅而進戰于三原

今耀州三原縣本漢

池陽地

襄敗為堅所殺時年二十七餘見通鑑

六月東海王堅弒其主生自稱天王改元以王猛為中

書侍郎

以呂祖謙
標目修

解題曰宋庠紀年通譜永興本漢桓帝晉惠帝魏冉
閔年號事見通鑑

燕殺段龕

以通鑑修

秋七月秦冀州牧張平來降以為并州

刺史

以本紀修

八月丁未立皇后何氏

本紀

冬十一月癸酉燕

徙都鄴

以呂祖謙標目修

秦王堅殺其兄丞相錄尚書事清河

王灋

以載記修

解題曰按載記初堅母以灋長而賢又得衆心懼終

為變至此遣殺之堅性仁友與灋訣于東堂慟哭嘔

血餘見通鑑殺灋者堅也借曰出於太后之意獨不

能力爭而脫其死乎凡若此類史家多為之文飾未

可憑也

十二月秦以王猛為尚書左丞舉異才修廢職課農桑

恤困窮立學校旌節義秦民大悅

以通鑑修

解題曰按王猛傳苻堅將有大志聞猛名遣呂婆樓招之一見便若平生語及廢興大事異符同契若元德之遇孔明也及堅僭位以猛為中書侍郎時始平

梁載言十道志興平漢平陵縣魏文帝改為始平苻堅移于茂陵

多枋頭西歸之人

豪右縱橫劫盜充斥乃轉猛為始平令猛下車明法

峻刑澄察善惡禁勒強豪鞭殺一吏百姓上書訟之
有司劾奏檻車徵下廷尉詔獄堅親問之曰為政之
體德化為先蒞位未幾而殺戮無數何其酷也猛曰
臣聞宰寧國以禮治亂邦以法陛下不以臣不才任
臣以劇邑謹為明君揃除凶猾始殺一姦餘尚萬數
若以臣不能窮殘盡暴肅清軌法者敢不甘心鼎鑊
以謝孤負酷政之刑臣實未敢受之堅謂羣臣曰王
景略故是夷吾子產之流也於是赦之遷尚書左丞

相餘見通鑑

晉孝宗穆皇帝升平二年

涼張玄靚建興四十六年
代高祖皇帝建國二十一

年

燕景明皇帝元壽二年
秦昭宣皇帝永興二年

春正月會稽王昱歸政不

許

以本
紀修

二月秦王堅討張平三月降之

以通
鑑修

夏五月有

星孛于天船

以本
紀修

秋八月壬申吳興太守謝萬為西中

郎將監司豫冀并州軍事豫州刺史

以本
紀修

九月秦殺特

進樊世

以呂祖謙
標目修

解題曰蘇軾曰諸葛亮之治蜀王猛之治秦使人悚

然不敢飾非務盡其心凡此者皆庸人之所大惡而
讒言之所由興也是故先主拒關張之間而後孔明
得以盡其才符堅斬樊世黜席寶而後王猛得以畢
其功事見通鑑

燕取并州冬略地河南十二月荀羨取山往遂與燕戰
兵敗徵還以散騎常侍郗曇為北中郎將都督徐兗青
冀幽州軍事徐兗二州刺史鎮下邳

以本紀
通鑑修

晉孝宗穆皇帝升平三年

涼張玄靚建興四十七年
代高祖皇帝建國二十二

年

燕景明皇帝元壽三年
秦昭宣皇帝甘露元年

夏六月秦改元

以呂祖謙
標日修

解題曰宋庠紀年通譜甘露漢宣帝魏高貴鄉公吳

孫皓年號時以甘露降安邑故改元

涼尚書僕射宋混殺都督中外軍事張瓘請立覲去涼

王之號

以呂祖謙
標日修

秋八月泰山太守諸葛攸擊燕敗績

冬十月遣謝萬郤曇擊燕曇病還萬遁廢為庶人許昌

潁川譙郡皆入于燕

以通鑑
修

解題曰往年荀羨既敗今年諸葛攸謝萬又敗則昔

之以地來歸者尚安繫其心哉事見通鑑

十二月秦以僕射王猛為輔國將軍司隸校尉僕射詹

事侍中中書令領選如故

以舉要歷補道修

晉孝宗穆皇帝升平四年

涼張玄靚建興四十八年
代高祖皇帝建國二十三

年

燕幽皇帝慕容暉建熙元年
秦昭宣皇帝甘露二年

春正月甲午燕主雋卒

太子暉即帝位改元

以呂祖謙
標目修

解題曰按載記雋寢疾謂慕容恪曰吾疾惛然當恐

不濟脩短命也復何所恨但二寇未除景茂冲幼慮

其未堪多難吾欲遠追宋宣以社稷屬汝恪曰太子
雖幼冲天縱聰聖必能勝殘刑措不可以亂正統也
雋怒曰兄弟之間宜虛飾也恪曰陛下若以臣堪荷
天下之任者寧不能輔少主乎雋曰若汝行周公之
事吾復何憂餘見通鑑

二月燕以太原王恪為太宰專錄朝政太師慕輿根伏
誅

以呂祖謙
標目修

三月燕以前平州刺史吳王垂都督河南

軍事鎮螭臺

以載記
通鑑修

解題曰水經注司馬彪郡國志睢陽縣廬門亭城內
續述征記迴道似蝨故謂之蝨非也按關尹子稱宋
景公登虎圈之臺蝨臺即虎圈臺

秋八月辛丑朔日有食之既

以本紀修

桓溫以謝安為征西

司馬

以通鑑修

晉孝宗穆皇帝升平五年

涼張玄靚升平五年代高祖皇帝建國二十四年

燕幽皇帝建熙二年秦昭宣皇帝甘露三年

春二月燕河內太守呂護來

降三月太原王恪圍之

以通鑑修

夏四月桓溫鎮宛使其弟

黃門郎諮為建威將軍督沔中七郡軍事取許昌

以本紀修

涼都督中外軍事宋混卒其弟澄為領軍輔政

以呂祖謙標目

修五月丁巳帝崩于顯陽殿

解題曰王容曰魏明帝青龍三年昭陽殿也避司馬

昭改元名

庚申琅邪王丕即皇帝位

以本紀修

秋七月戊午葬穆皇帝

于永平陵號孝宗

以本紀修

燕克野王

以本紀修

九月戊申立

妃王氏為皇后

以本紀修

涼司馬張邕殺宋澄為中護軍張

天錫為中領軍同輔政

以呂祖謙標目修

秦滅張平

以通鑑修

冬十

月呂護復奔燕

以本紀修

十一月涼張天錫殺張邕為都督

中外軍事十二月涼用升平年號詔加張玄靚大都督

西平公

以通鑑本紀修

解題曰宋庠紀年通譜張軌傳寔茂駿重華耀靈祚

玄靚天錫晉傳述其始末皆世襲州牧西平公之位

元帝中興江左而涼州但稱愍帝建興年號其門惟

張祚篡僭改建興四十二年為和平元年不及三周

而被戕及玄靚立去帝制復稱建興至四十九年始
奉穆帝升平正朔訖天錫不聞有改元事近世龔頴
作歷運圖述張氏年號張寔永安張茂永元張駿太
元重華永樂玄靚太始天錫太清頗有倫貫詢之諸
儒或云出崔鴻十六國春秋疑張氏於國則私用己
年通朝廷則明奉王歷而崔書卷帙多散亂莫得稽
證永安孫休晉惠帝永元漢和帝太元孫權太始漢
武帝和平漢桓帝年號

秦舉孝悌廉直文學政事四科

解題曰此王景略之政也事見通鑑

晉哀皇帝隆和元年

涼張玄靚升平六年
皇帝建國二十五年

代高祖
燕幽皇

帝建熙三年
宣皇帝甘露四年

秦昭春正月壬子改元

以本
紀修

甲寅減田

稅畝收二升

紀本

二月辛未輔國將軍吳國內史庾希為

北中郎將徐兗二州刺史鎮下邳龍驤將軍袁真為西

中郎將監豫司并冀四州軍事豫州刺史鎮汝南

以本
紀修

燕呂護攻洛陽夏五月桓溫遣兵救洛陽因請遷都不

果行

以通鑑修

解題曰永和之末溫嘗請都洛矣事既不行六年之間不知溫之所以植根者何如而復有此議也此心以為有鴻鵠將至固宜其屢發而不中節也哉事見通鑑

秦王堅親臨太學

以通鑑修

解題曰按崔鴻十六國春秋堅考學生經義優劣品而第之問難五經博士多不能對謂易博士王寔曰

朕一月三臨太學躬親屬獎庶幾周孔微言不由朕而墜漢之二武其可追乎寔曰自劉石之擾儒生罕有或存墳籍滅而莫紀經綸學廢奄若秦皇陛下開庠序之美弘儒教之風化盛隆周垂馨千祀漢之二武焉足論哉自是每月一臨太學

又三月甲子堅臨太學謂博士盧壺

曰經籍湮滅追蹤漢初求書之術不可令典謨有闕也可令諸經訓註悉通音義壺對曰諸經音義已備惟周官音義散落經注未有成師太常韋逞母宋氏傳其父業今年八十有六而神爽無虧天其將以此母演發斯文使不墜於地堅大悅起講堂於逞家使書生百二十人隔紗幪而受業

冬十二月戊午朔日有食之

紀以本修

庾希退屯山陽袁真

退屯壽陽

紀以本修

晉哀皇帝興寧元年

涼張天錫一年
建國二十六年

代高祖皇帝
建

熙四年
皇帝甘露五年

春二月改元

紀以本修

夏四月燕陷滎陽

紀以本修

五月加桓溫大司馬都督中外諸軍錄尚書事假

黃鉞袁真都督司冀并州軍事庾希都督青州軍事

本以

紀以本修

秋八月有星孛于角亢入天市

紀以本修

閏月涼張天錫

弒其主玄靚而自立

標以呂祖謙
目修

九月桓溫帥師北伐

本以

紀修

冬十一月汝南太守朱斌襲許昌克之

以本紀修

甲子晉哀皇帝興寧二年

涼張天錫二年 代高祖
皇帝建國二十七年 燕

幽皇帝建熙五年
昭宣皇帝甘露六年

秦春三月庚戌朔大閱戶口令所

在土斷

以本紀修

辛未帝不豫皇太后復臨朝

以本紀修

夏四月

燕陷許昌汝南陳郡

以呂祖謙
標目修

解題曰慕容恪將取洛陽先遣人招納土民遠近諸

塢皆歸之通鑑綱目既書燕陷許昌汝南陳郡又書

燕陷河南諸城似為重複事見通鑑

五月戊辰以王述為尚書令衛將軍徵桓溫為揚州牧
秋八月溫城赭圻而居之

以本紀修

秦殺故秦王生之弟汝

南公騰

以通鑑修

解題曰生以弑死故騰繆柳雙庾武等皆囂然有欲
叛之心猛教堅以殺人為事所謂民不見德惟戮是
聞亦弗思之甚矣事見通鑑

九月秦詔非命士不得乘車馬工商皂隸不得服金銀

錦綉

以載紀修

解題曰此王景略之政也

晉哀皇帝興寧三年

涼張天錫三年
建國二十八年

代高祖皇帝
燕幽皇帝建

熙六年
秦宣昭
皇帝建元元年

春正月庚申皇后王氏崩

以本
紀修

桓溫

鎮姑孰三月右將軍桓豁監荊州揚州義城雍州京兆

軍事荊州刺史桓冲監江州荊州二郡豫州四郡軍事

南中郎將江州刺史

以本紀通
鑑目錄修

丙申帝崩于西堂丁酉

琅邪王奕即皇帝位

以本
紀修

秦改元

以呂祖謙
標目修

解題曰宋庠紀年通譜建元本漢武帝劉聰晉康帝

年號

三月燕太原王恪吳王垂陷洛陽將軍沈勁死之垂都

督荊揚等州軍事鎮魯陽

以本紀通鑑修

解題曰按地理志南陽國有魯陽縣顏師古謂淮南

子云魯陽公與韓戰日反三舍者也唐為汝州魯山

縣

壬申葬哀皇帝于安平陵

以本紀修

夏六月戊子鎮西將軍

建城襄公周撫卒以其子犍為太守楚為益州刺史

以通

修鑑秋七月壬子立妃庾氏為皇后以通鑑修冬十月秦淮南

公幼反伏誅以通鑑修司馬勲反十一月乙卯圍成都桓溫

遣江夏相朱序救之以本紀修

晉海西公太和元年涼張天錫四年建國二十九年代高祖皇帝建

熙六年秦宣昭春二月己丑以張天錫為大將軍西

平郡公以本紀修丙申以輔國將軍宣城內史桓秘監梁益

州軍事以本紀修夏五月皇后庾氏崩以本紀修朱序周楚擊司

馬勲斬之以通鑑修秋七月秦寇荊州以本紀修冬十月司徒會

稽王昱為丞相錄尚書事加殊禮以通鑑修涼張天錫告絕

于秦

以通鑑修

燕陷兗州數郡

以本紀修

是歲改元

以本紀修

解題曰晉紀不書改元通鑑因之宋庠紀年通譜太和本魏明帝石勒李勢年號

晉海西公太和二年

涼張天錫五年建國三十年

燕代高祖皇帝建熙

七年

秦昭宣皇帝建元三年

春正月庾希有罪出走

以本紀修

夏四月涼

張天錫攻叛將李儼于枹罕秦將軍王猛等敗之取枹

罕

以呂祖謙標目修

五月燕太原桓王恪卒

以本載記修

解題曰按載記范亨燕書恪臨終暉親臨問以後事
恪曰臣聞報恩莫大薦士版築猶可而況國之懿藩
吳王文武兼才管蕭之亞陛下若任之以政國其少
安不然臣恐二寇必有闕閹之計言終而死餘見通
鑑昔史鰌以不能進遽伯玉而退彌子瑕故有身後
之諫彼疎遠之臣誠有不能盡如其意者矣恪以叔
父之尊居受遺之任非鰌比也知慕容評之庸瑣則
當退之而援垂以同任國事顧乃每事推評未嘗專

訣逮臨絕然後惓惓以垂為言垂不用而燕亡矣吾
恐恪之目終不得瞑於地下也餘見通鑑

冬十月秦并州牧晉公柳秦州刺史趙公雙洛州刺史
魏公庾雍州刺史燕公武反秦遣兵討之

以呂祖謙
標目修

解題曰按地理志苻堅姚興赫連勃勃并州並役置
河東

晉海西公太和三年

涼張天錫六年
建國三十一年

代高祖皇帝
燕幽皇帝建

熙八年
秦昭宣
皇帝建元四年

春二月秦魏公庾以陝城降燕請兵

應接不納

以呂祖謙
標目修

解題曰燕用慕容評自無久存之理然亦可謂失機

矣事見通鑑

陝城在今陝
州平陸縣

三月丁巳朔日有食之

以本
紀修

秋七月秦誅趙公雙燕公

武九月誅晉公柳

以呂祖謙
標目修

燕尚書僕射悅綰出蔭戶

以呂祖謙
標目修

冬十二月秦誅魏公庾

以通
鑑修

加桓溫殊禮

以通

以通
鑑修是歲以仇池公楊世為秦州刺史

以通
鑑修

晉海西公太和四年

涼張天錫七年
建國三十二年

代高祖皇帝
燕幽皇帝建

昭九年
皇帝建元五年
泰宣昭

春三月桓溫領徐兗二州刺史夏四

月溫帥舟師伐燕六月敗其大都督慕容厲于黃墟燕

求救于秦秋七月溫至枋頭燕主暉謀奔和龍吳王垂

止之八月秦遣將軍苟池等救燕九月丙申溫陸道奔

還燕大都督吳王垂大破之于襄邑秦師又破之于譙

冬十月溫還歸罪于袁真而廢之真以壽春降燕

以紀傳修

解題曰按列傳載記范亨燕書溫率弟南中郎冲西

中郎袁真步騎五萬北伐郗超諫以道遠汴水又淺

運道不通溫不從軍次胡陸

胡陸今單州魚臺縣水經注胡陸漢章帝更名

胡陵泗水東經胡陸東城南范

攻慕容暉將慕容忠獲之進次金鄉

州今濟縣

時亢旱水道不通乃鑿鉅野三百餘里以通舟

運

任今濟州鉅野縣有大野澤東平府頁城縣及濟州任城縣有桓公海中都縣有桓水即溫所鑿之地

也自清水入河

引毛穆之傳使穆之監鑿鉅野百餘里引汶會于濟川按水經汶水出泰山

萊蕪縣西南流至壽張縣北至安民亭入濟水出東垣縣至溫縣西北當鞏縣北入于河東至北礫磧

南東出過蒙陽北東北過壽張汶水從東北來注之清水出河內脩武縣之北黑山東過沒縣北又東入

于河注桓溫以太和四年率衆北入掘渠通濟起又

至義熙十三年劉武帝又廣其功謂之桓公濟

進策于溫曰清水入河無通運理若寇不戰運道又
難因資無所實為深慮盛夏悉力徑造鄴城彼服公
威略必望陣而走退還幽朔矣若能決戰則呼吸可
定設欲城鄴難為功力百姓布野盡為官有易水以
南必交臂請命但恐此計輕決明公必務其持重耳
若此計不從便當頓兵河濟控引糧運令資儲充備
足及來夏雖如賒遲終亦濟克若舍此二策而連軍
西進不速決退必愆乏賊因此勢日月相引俛俛秋

冬船道溢滯且北土早寒三軍裘褐者少恐不可以

涉冬此大限闕非惟無食而已溫不從

宋文帝之遣劉彥之伐魏

也魏崔浩答魏主曰始謂義隆軍來當上屯河中兩道北上東道向冀州西道衝鄴如此則陛下當自討

之不得徐行今則不然東列兵徑二十里一處不過數千形分勢弱以此觀之此不過欲因何自守無北

度意也其說大燕遣其將慕容厲與溫戰于黃墟經水

注黃水上承鉅野諸陂東流又鉅野薛訓渚歷薛村前分為二水一東注黃水一西北入濟皇覽曰鉅野

縣有肩髀冢重聚大小與闕冢等

大敗單馬奔還高平

今濟州鉅野縣

太守

徐翻以郡歸順前鋒人朱序又破暉將傅顏于林渚

疑即薛訓者

七月溫次武陽平人孫元舉衆反遂至枋

頭

燕書將軍李述石氏舊將溫恃為鄉道招懷趙魏東武陽陽平陽平郡今屬大名開德東平府博濟

二
州
暉懼謀奔和龍

和龍即黃龍府

慕容垂曰臣請擊之若戰

不捷走未晚也乃以垂為使持節南討大都督慕容

德為征南將軍率衆五萬距溫使散騎侍郎樂高乞

師于苻堅堅遣將軍苟池率衆二萬出洛陽師于潁

川燕行臺封孚問行臺左丞申胤曰溫衆強士整乘

流直進而大軍徒逡巡高岸風馬不交無克殄之理

君謂將如何盾曰溫雖似能有為然終于破敗不能
成功方今晉室衰弱勢在強家袁桓王謝俱執兵權
溫之得志彼所不願必將乖阻以敗其事而溫虐而
恃衆拙于知變大衆深入值可乘之會反更逍遙不
出赴利欲望持久坐致廣勝若糧廩愆懸情見力屈
不戰而敗此左車所謂二將之頭必懸麾下者也始
溫遣袁真伐譙梁開石門以通運真討譙梁平之而
不能開石門慕容德屯石門

水經注睢陽縣臺宋世
宰虎所在袁真開石門

鮮卑堅戍此臺真頓兵
堅城之下不果而還
豫州刺史李邳率州兵五千

斷溫餽運

燕書蘭臺治書侍御史劉當領
五千騎屯石門斷溫運道

溫頻戰不利

糧運復絕

燕書溫及義河斬其大都督李述溫大震不敗上岸

及聞堅師之至

九月乃焚舟步退自東燕

滑州城縣

昨出倉垣經陳留鑿

井而飲行七百餘里德勁騎四千先溫至襄邑東

拱州

襄邑縣

伏于澗中與垂前後夾擊王師大敗死者二萬

餘人苟池邀擊于譙溫衆又敗死者萬計溫甚恥之
歸罪于真表廢為庶人真怨溫誣已據壽陽以自固

潛通苻堅慕容暉餘見通鑑

燕吳王垂奔秦王猛請殺之秦主堅不從

以呂祖謙標目修

解題曰劉備奔曹操或勸操殺之郭嘉曰備有英雄名以窮歸已而害之則智士將日疑公誰與定天下乎操曰君得之矣王猛之教苻堅其識在嘉之下矣事見通鑑

十一月秦遣王猛等伐燕十二月攻洛陽

以載記修

解題曰呂祖謙曰王猛之於慕容垂長孫無忌之於

吳王恪若此者自以為有意於忠國而不知非所以為忠也事見通鑑

桓溫鎮廣陵

以呂祖謙標目修

晉海西公太和五年

涼張天錫八年建國三十三年

代高祖皇帝建

熙十年秦昭宣皇帝建元六年

春正月秦取燕洛陽而還

以呂祖謙標目修

二月癸酉袁真死子瑾代領其衆夏四月燕秦遣兵助

之

以通鑑修

秦王猛復代燕

以呂祖謙標目修

秋七月癸酉朔日有

食之

以本紀修

八月秦克燕壺關

以通鑑修

桓溫敗袁瑾圍壽陽

以紀傳修

九月辛巳秦入燕晉陽

以通鑑修

冬十月甲子秦王猛

大破燕太傅上庸王評于潞川丁卯圍鄴十一月秦王

堅赴鄴戊寅克之燕主暉奔龍城追獲之猛為車騎大

將軍都督關東六州軍事鎮鄴十二月遷暉及鮮卑四

萬戶于長安封暉為新興侯

以呂祖謙標目修

解題曰潞川今潞州潞城縣水經注縣北對故壁臺

元和郡縣志漳水一名潞水關駟曰在縣北為冀州浸

朱熹曰堅之遣王猛也

嘗欲親督繼發猛謂臣仗威靈不煩鑾輿及鄴之圍

倏然而至蓋恐其功大亟欲分之耳器量亦小矣他

時急欲亡晉以紹正統掃境而出一敗塗地亦急躁

之過也

韓流曰五胡中惟堅不易及觀其赴王猛伐燕之軍殆有漢祖奪韓信軍之風惟猛亦能

自防遂潛入安陽謁堅堅責其臨敵而奔軍猛即以亞夫求名自解反責其主忘溺上之言而自出將君

臣之智蓋相上下也至下燕之後下事見通鑑燕自詔大赦責躬自反氣象尤不可及

慕容廆始徙河之青山及毘由棘城而遷龍城至雋

遷薊遷鄴始據有中土恪死踰年而晉伐之又踰年

而秦滅之何其興之難而亡之速也一國以一人存

以一人亡有以哉按載記始僊以武帝太康六年稱
公至暘四世以太和五年滅通僊凡八十五年

宋庠

紀年通譜慕容氏僭號十
二年通僊八十六年

是歲楊世卒子纂立始與秦絕

以通鑑修

大事記續編卷三十